



Bosna i Hercegovina
Federacija Bosne i Hercegovine

**Federalni zavod
za statistiku**

**IZVJEŠTAJ O IZVRŠENJU PLANA
STATISTIČKIH ISTRAŽIVANJA OD INTERESA
ZA FEDERACIJU BIH ZA 2024. GODINU**

Mart, 2025. godine

SADRŽAJ:

1.	Uvod	3
2.	Izvršenje Plana	4
3.	Demografske i socijalne statistike.....	5
3.1.	Stanovništvo	5
3.2.	Rad i troškovi rada	6
3.3.	Obrazovanje i stručna obuka	8
3.4.	Zdravstvo	9
	Nacionalni zdravstveni računi	9
3.5.	Prihodi i potrošnja	10
3.6.	Socijalna zaštita	10
3.7.	Pravosuđe i kriminalitet.....	11
3.8.	Kultura	11
3.9.	Statistika spolova (gender statistika)	12
4.	Ekonomске statistike	13
4.1.	Makroekonomske statistike	13
	Godišnji i kvartalни ekonomski računi.....	13
4.2.	Poslovne statistike	15
4.2.1.	Strukturne poslovne statistike (SPS)	15
4.2.2.	Godišnja istraživanja u industriji i građevinarstvu	16
	Godišnji izvještaj industrije	16
	Godišnji izvještaj građevinarstva	16
4.2.3.	Kratkoročne poslovne statistike.....	17
	Kratkoročna statistika industrije	17
	Kratkoročna statistika proizvođačkih cijena idustrijskih proizvoda	18
	Kratkoročna statistika građevinarstva	19
	Kratkoročna statistika trgovine na malo	19
	Kratkoročna statistika distributivne trgovine	20
	Kratkoročna statistika prijevoza i skladištenja	20
	Kratkoročna statistika ostalih usluga	20
	Proizvođačke cijene u uslužnim djelatnostima	21
4.2.4.	Poslovni registri i statističke jedinice	21
4.2.5.	Međunarodna trgovina i platni bilans.....	24
4.2.6.	Cijene	24
	Indeksi potrošačkih cijena	24
	Stambena statistika i cijene u građevinarstvu.....	24
5.	Sektorske statistike.....	25
5.1.	Statistika šumarstva i računi	25
5.2.	Statistika poljoprivrede	26
5.3.	Statistika ribarstva	27
5.4.	Energija.....	27
5.5.	Transport	28
5.6.	Turizam.....	29
5.7.	Nauka, tehnologija i inovacije	29
	Statistika nauke i tehnologije	29
	Statistika informacionih i komunikacionih tehonologija	30
6.	Okoliš i višepodručne statistike.....	31
6.1.	Okoliš.....	31
6.2.	Regionalne i geoprostorne statitičke informacije.....	32

7.	Metodologija prikupljanja, obrade, analize i diseminacije podataka.....	34
7.1.	Statističke metode i koordinacija.....	34
7.2.	Razvoj aplikacija za unos podataka.....	35
7.3.	Razvoj baza podataka, podrška diseminaciji i unos podataka	35
7.4.	Održavanje i razvoj IT sistema.....	36
7.5.	Publicistika i diseminacija	36
7.6.	Odnosi sa javnošću i biblioteka.....	37
7.7.	Aktivnosti koje su imale međunarodnu podršku.....	38
8.	Finansijsko računovodstvena i pravna podrška	40
8.1.	Pravni, kadrovski i opći poslovi	40
8.2.	Finansijsko - računovodstveni poslovi	41
8.3.	Poslovi pisarnice	42
9.	Kantonalne službe	42
10.	Uslovi koji su uticali na realizaciju statističkih aktivnosti.....	43
10.1.	Organizaciona struktura	43
10.2.	Problemi sa nedostatkom kadrova	43
10.3.	Problemi sa korištenjem administrativnih izvora podataka	43
10.4.	Organizaciona šema	45
10.5.	Finansiranje.....	46
P R I L O Ž I:.....		48
Prilog 1. – Pregled planiranih i izvršenih aktivnosti i istraživanja po oblastima u 2024. godini		49
Prilog 2. – Spisak planiranih aktivnosti koje su djelimično ili nisu realizovane u 2024. godini		50
Prilog 3. – Spisak publikacija objavljenih u 2024. godini		51
Prilog 4. – Zaposleni prema polu i stepenu obrazovanja.....		54
Prilog 5. – Budžet Federalnog zavoda za statistiku.....		55
Prilog 6. – Poslovni prostor		55
Prilog 7. – Spisak seminara i obuka u 2024. godini.....		55

1. Uvod

Federalni zavod za statistiku (u daljem tekstu: Zavod) je samostalna upravna organizacija nadležna za poslove statistike u Federaciji BiH.

U okviru svoje nadležnosti Zavod prikuplja, obrađuje, analizira i objavljuje statističke podatke za područje Federacije BiH. Zavod vrši stručne i druge poslove iz nadležnosti Federacije BiH koji se odnose na statistička istraživanja u Federaciji BiH: utvrđivanje jedinstvene metodologije statističkih istraživanja, vođenje administrativnog i statističkih registara (prostornih jedinica, preduzeća i sl.), evidencije propisane zakonom, razmjenjivanje statističkih podataka sa drugim državama i međunarodnim organizacijama, a u skladu sa zakonom na državnom nivou kojim se uređuje ovo pitanje.

Zakon o statistici u Federaciji BiH („Službene novine Federacije BiH“ br. 63/03 i 9/09) pruža pravni okvir za organizaciju statistike, počevši od djelokruga rada, izvora podataka, izvještajnih jedinica, metodologija i standarda koji će se koristiti za proizvodnju statističkih podataka, rokova dostavljanja podataka za izvještajne jedinice, kao i rokova za realizaciju statističkih aktivnosti. Zavod u skladu sa načelom neutralnosti, objektivnosti i stručne neovisnosti, samostalno i profesionalno odlučuje o metodama i načinu prikupljanja, obrade, čuvanja i prezentiranja statističkih podataka.

U skladu sa članom 21. Zakona o statistici u Federaciji BiH, u roku od tri mjeseca od isteka kalendarske godine, direktor Zavoda podnosi Vladi Federacije BiH godišnji izvještaj o izvršenju Plana rada za prethodnu godinu.

U Izvještaju je dat pregled provedenih istraživanja i aktivnosti, definisanih u Planu statističkih istraživanja od interesa za Federaciju BiH za 2024. godinu (u daljem tekstu: Plan) koji je usvojen Zaključkom Vlade Federacije Bosne i Hercegovine V. broj: 1978/2023 od 22.12.2023. godine i objavljen u „Službenim novinama Federacije BiH“ br. 101/23 od 29.12.2023. godine.

U 2024. godini Zavod je publikovao ukupno 357 saopćenja, u mjesečnoj, kvartalnoj, polugodišnjoj i godišnjoj periodici.

U ovom Izvještaju su prikazane realizovane i nerealizovane aktivnosti po oblastima, aktivnosti vezane za administrativnu i tehničku pomoć, pregled objavljenih publikacija i saopćenja, pregled utroška sredstava te pregled edukacija zaposlenih.

2. Izvršenje Plana

U 2024. godini planirano je ukupno 224 statističkih istraživanja i aktivnosti, od toga Zavod je nosioc za ukupno 189 istraživanja/aktivnosti (26 aktivnosti i 163 statističkih istraživanja). Za ostala istraživanja i aktivnosti nosioci su drugi ovlašteni proizvođači zvanične statistike.

Usprkos činjenici da popunjenost radnih mjesta utvrđenih sistematizacijom iznosi samo 61%, uz izniman trud i zalaganje zaposlenika, Zavod je uspješno realizovao **181 ili 95,8%** planiranih istraživanja/aktivnosti (24 ili 92,3% aktivnosti i 157 ili 96,3% statističkih istraživanja) - (vidjeti Prilog 1).

U *Prilogu 2* je dato obrazloženje za aktivnosti koje su djelimično realizovane i koje nisu realizovane.

Aktivnosti koje su realizovane a nisu bile predviđene Planom

Osim planiranih, u 2024. godini u Zavodu su realizovane i sljedeće aktivnosti:

Vezano za oblast Makroekonomskih statistika, u toku 2024. godine, nastavljene su aktivnosti na korištenju administrativnih izvora podataka potrebnih za obračun Bruto domaćeg proizvoda (BDP). Prelaskom na administrativni izvor podataka smanjena je opterećenost izvještajnih jedinica, a što je u skladu sa evropskom praksom i statističkim principom efikasnosti.

Podaci iz statističkog izvještaja „Godišnji izvještaj o investicijama – INV-01“ za 2023. godinu su preuzeti u elektronskoj formi od Finansijsko-informatičke agencije (FIA), kao i prethodne godine.

Izvršen je preračun serije podataka tromjesečnog BDP-a na novu referentnu 2021. godinu. Također, obračunata je serija podataka o godišnjem BDP-u u lančano povezanim vrijednostima u cijenama 2021.godine.

Od januara 2024. godine Indeksi cijena proizvođača industrijskih proizvoda (PPI) se obračunavaju i publikuju sa novom baznom godinom 2021=100.

U sklopu aktivnosti prelaska na korištenje administrativnih izvora podataka potpisan je Sporazum sa Agencijom za identifikacione dokumente, evidenciju i razmjenu podataka Bosne i Hercegovine (IDDEEA) kojim se omogućava direktan pristup web serveru za pristup podacima o registriranim cestovnim motornim i priključnim vozilima. Korištenjem ovih podataka smanjit će se opterećenost izvještajnih jedinica i poboljšati kvalitet pomenutih statistika.

Uspostavljena je saradnja sa Federalnim ministarstvom unutrašnjih poslova radi razmjene administrativnih podataka o saobraćajnim nesrećama s jednog mjesta. Nastavak ove saradnje podrazumjeva prikupljanje podataka po CaDaS metodologiji, što doprinosi povećanju obima prikupljenih podataka i usklađenosti sa Eurostat regulativama.

U nastavku je dat prikaz izvršenih statističkih aktivnosti po statističkim oblastima:

3. Demografske i socijalne statistike

3.1. Stanovništvo

U oblasti statistike stanovništva i registra realizovana su sva istraživanja i aktivnosti definisana Planom. Provedeno je sedam redovnih istraživanja i dvije aktivnosti i prikupljeno je ukupno 55.715 izvještaja iz oblasti **vitalne statistike**, izvršena je kontrola, unos i obrada prikupljenih podataka. U toku 2024. godine provedena su sljedeća istraživanja i aktivnosti:

- Statistika rođenih (DEM-1) - izvještajne jedinice su matični i mjesni uredi u općini, broj izvještajnih jedinica 226, broj jedinica posmatranja (izvještaja) 17.727 prema prvim rezultatima. Kao rezultat provedenog istraživanja dobiveni su pokazatelji o broju živorođenih i mrtvorođenih po spolu, prirodnom priraštaju, vitalnom indeksu, prosječnoj starosti majke prema redu rođenja djeteta, stope nataliteta i fertiliteta i drugi.
- Statistika umrlih osoba (DEM-2) - izvještajne jedinice su matični i mjesni uredi u općini, broj izvještajnih jedinica je 226, broj jedinica posmatranja (izvještaja) je 21.275 prema preliminarnim rezultatima. Kao rezultat provedenog istraživanja dobiveni su pokazatelji o broju i strukturi umrlih osoba, prirodnom priraštaju, stopi prirodnog priraštaja, općoj i specifičnim stopama smrtnosti, podaci o uzroku smrti, uzroku nasilnih smrti, smrtnosti dojenčadi, stopi smrtnosti dojenčadi, prosječnoj starosti umrlih osoba, te su urađene skraćene aproksimativne tablice mortaliteta Federacije BiH za 2023. godinu.
- Statistika zaključenih brakova (DEM-3) - izvještajne jedinice su matični i mjesni uredi u općini, broj izvještajnih jedinica je 226, broj jedinica posmatranja (izvještaja) je 11.808 prema preliminarnim rezultatima. Kao rezultat provedenog istraživanja dobiveni su pokazatelji o broju zaključenih brakova prema prikupljenim podacima o mladoženji i nevjesti, stopi zaključenih brakova, prosječnoj starosti pri zaključenju braka, ukupno i prvog braka i drugi pokazatelji.
- Statistika razvedenih brakova (RB-1) - izvještajne jedinice su općinski sudovi, broj izvještajnih jedinica je 33, broj jedinica posmatranja (izvještaja) je 1.833 (preliminarni rezultati). Kao rezultat provedenog istraživanja dobiveni su pokazatelji o broju razvedenih brakova prema prikupljenim podacima o supružnicima koji su se razveli, stopi razvedenih brakova, prosječnoj starosti supružnika pri razvodu braka, srednjem trajanju braka.
- Mjesečni pregled upisa u matične knjige (DEM-4) - izvještajne jedinice za ovu aktivnost su matični i mjesni uredi u općini, broj izvještajnih jedinica je 226, broj jedinica posmatranja (izvještaja) je 2.712. Na osnovu prikupljenih podataka vrši se kontrola obuhvata registrovanih rođenja, smrti i zaključenih brakova.
- Mjesečni pregled vitalnih događaja (DEM-5) - izvještaji se izrađuju za svaki mjesec tokom godine, a na osnovu unesenih podataka. Broj jedinica posmatranja (izvještaja) je 360 godišnje (zbirno DEM1, DEM2 i DEM3).

Procjene broja stanovnika sa stanjem 30.06.2024. godine urađene su na osnovu podataka Popisa stanovništva 2013. godine, prirodnog priraštaja i salda migracija. Objavljeni su podaci o ukupnom broju stanovnika u Federaciji BiH, po starosnim grupama, spolu i tipu naseljenog mjesta.

Izvještajna jedinica za statistiku **Migracije stanovništva** je Agencija za identifikacione dokumente, evidenciju i razmjenu podataka BiH (IDDEEA), a rezultat ovog istraživanja su podaci o migracijama stanovništva u okviru Federacije BiH prema području doseljenja/odseljenja, saldu migracija po kantonima i općinama, tipu naseljenog mjesta, starosnoj i spolnoj strukturi migranata po kantonima i općinama. Ovi podaci su objavljeni u godišnjem biltenu i saopćenju.

Ažurirani su **Izvještaji o kvalitetu** za statistička istraživanja o rođenim i umrlim osobama, o zaključenim i razvedenim brakovima, za mjesečno istraživanje o prirodnom kretanju stanovništva, za istraživanje o unutrašnjim migracijama stanovništva i za procjene broja stanovnika

3.2. Rad i troškovi rada

U oblasti statistike rada i troškova rada u 2024. godini planirano je ukupno pet statističkih istraživanja i tri aktivnosti. Realizovana su sva statistička istraživanja i aktivnosti:

- Kontinuirana Anketa o radnoj snazi 2024 (ARS) - jedinice posmatranja su domaćinstva koja se biraju putem uzorka. Veličina uzorka u 2024. godini bila je po 5.872 domaćinstva kvartalno na teritoriji Federacije BiH. Obuhvat za 2024. godinu bio je 23.487 domaćinstava. Prosječna stopa neodziva bila je 21,0%. Metodološke postavke ankete su zasnovane na preporukama i definicijama Međunarodne organizacije rada i zahtjevima Statističke kancelarije EU, čime je obezbijeđena međunarodna uporedivost podataka u oblasti statistike rada. Anketom su prikupljeni podaci o osnovnim karakteristikama radno sposobnog stanovništva, na osnovu kojih se vrši procjena ukupne radne snage u zemlji, kao i podaci o demografskim, obrazovnim, socio-ekonomskim i drugim karakteristikama stanovništva. Istraživanjem se obezbjeđuju podaci za izračunavanje stope zaposlenosti, nezaposlenosti, aktivnosti i drugih pokazatelja na tržištu rada. Podaci se publikuju samo za nivo Federacije BiH. Tokom 2024. godine, na web stranici Zavoda, objavljeni su rezultati Ankete za četvrti kvartal 2023. godine i cijelu 2023. godinu kao i rezultati za prvi, drugi i treći kvartal 2024. godine, prema kalendaru publikovanja. U decembru 2024. godine objavljen je Izvještaj o kvalitetu za Anketu o radnoj snazi 2023.
- Mjesečno statističko istraživanje o zaposlenim – izvršena je statistička obrada podataka o broju zaposlenih osoba koje se vode u Jedinstvenom sistemu registracije, kontrole i naplate doprinosa a zaposlene su u poslovnim subjektima i pripadajućim jedinicama koje posluju na teritoriji Federacije BiH. Obuhvata broj zaposlenih u pravnim osobama i obrtu i srodnim djelatnostima (broj vlasnika u osnovnom obrtu i zaposlenika u svim vrstama obrta). Podaci se preuzimaju iz Porezne uprave Federacije BiH. Prosječan mjesečni obuhvat u 2024. godini bio je 73.197 poslovnih subjekata, 38.534 pravnih i 34.663 fizičkih osoba. Rezultat istraživanja su podaci o ukupnom broju zaposlenih na teritoriji FBiH – puni obuhvat. Podaci o zaposlenima se publikuju mjesečno za nivo Federacije BiH i godišnje za nivo kantona i općina.
- Godišnje statističko istraživanje o zaposlenim prema kvalifikacionoj i starosnoj strukturi - izvršena je statistička obrada podataka o broju zaposlenih u pravnim

osobama prema starosnoj i kvalifikacionoj strukturi koje se vode u Jedinstvenom sistemu registracije, kontrole i naplate doprinosa. Podaci se preuzimaju iz Porezne uprave Federacije BiH. Obuhvat Godišnjeg istraživanja o zaposlenim prema kvalifikacionoj i starosnoj strukturi u 2024. godini bio je 38.534 poslovna subjekta (pravnih osoba). Podaci se publikuju godišnje za nivo Federacije BiH, kantona i općina u Saopćenju „Zaposlenost u pravnim osobama prema strukturama zaposlenih”.

- Mjesečno statističko istraživanje o plaćama zaposlenih Rad-1 - izvještajne jedinice su pravne osobe sa pripadajućim jedinicama u sastavu, koje posluju na teritoriji Federacije BiH i zapošljavaju 10 i više zaposlenih. Prosječni mjesečni obuhvat Rad-1 istraživanja u 2024. godini bio je 6.749 poslovnih subjekata (pravnih osoba). Godišnji obuhvat ovog istraživanja u 2024. godini bio je 73.104 izvještaja. Prosječna mjesečna stopa neodziva bila je 9,7%. Istraživanjem su prikupljeni i obrađeni podaci o prosječnim mjesečnim isplaćenim neto i bruto plaćama, podaci o ostalim primanjima zaposlenih i plaćenim satima rada. Podaci o plaćama su publikovani mjesečno za nivo Federacije BiH i kantona, a godišnje za nivo općina. U martu 2024. godine objavljen je Izvještaj o kvalitetu za statistiku plaća zaposlenih Rad-1 za 2023. godinu.
- Za višegodišnje Istraživanje o strukturi zarada za referentnu 2022. godinu (ISZ 2022) publikovani su rezultati: prosječna godišnja zarada po zaposlenom i medijana godišnje zarade, prosječan broj dana godišnjeg odmora, prosječna mjesečna zarada po zaposlenom i medijana mjesečne zarade, prosječne zarade po satu i broj plaćenih sati rada kao i učešće zaposlenih sa niskim zaradama u ukupnom broju zaposlenih, platni jaz između žena i muškaraca. Svi podaci su publikovani prema djelatnostima KDBiH2010, vlasništvu poslovnog subjekta, veličini poslovnog subjekta, grupama zanimanja, stepenu obrazovanja, starosnim grupama zaposlenih, dužini trajanja radnog odnosa i vrsti radnog odnosa.
- Mjesečno se vrši preuzimanje i publikovanje podataka o broju i strukturi nezaposlenih osoba na području Federacije BiH. Podaci o nezaposlenima preuzimaju se od Federalnog zavoda za zapošljavanje.
- Podaci o prosječnoj penziji i broju isplaćenih penzija, visini najniže, zajamčene i najviše isplaćene penzije na području Federacija BiH publikovani su u Mjesečnom statističkom pregledu FBiH. Podaci o penzijama preuzeti su od Federalnog zavoda PIO/MIO.
- Kroz projekat IPA 2022 MBP počele su aktivnosti na uvođenju istraživanja kvartalni Indeksi o troškovima rada. Pripremljena je i dostavljena Agenciji za statistiku BiH serija kvartalnih podataka iz mjesečnog istraživanja o plaćama zaposlenih (Rad-1) za period 2020 – 2024 godina, koja će se koristiti za probni izračun Indeksa o troškovima rada.

Podaci o zaposlenosti i nezaposlenosti publikovani su na web stranici Zavoda u vidu saopćenja, u Mjesečnom statističkom pregledu FBiH, statističkom Godišnjaku i Tematskom biltenu. Podaci o prosječnim mjesečnim isplaćenim neto i bruto plaćama

publikovani su na web stranici Zavoda u vidu saopćenja, u Mjesečnom statističkom pregledu FBiH, u Mjesečnom statističkom pregledu FBiH po kantonima, statističkom Godišnjaku i Tematskom biltenu. Podaci iz Ankete o radnoj snazi publikovani su na web stranici Zavoda u vidu kvartalnih saopćenja i pripadajućih tabela u excel formatu kao i u statističkom Godišnjaku. Podaci iz Istraživanja o strukturi zarada publikovani su na web stranici Zavoda u vidu saopćenja i pripadajućih tabela u excel formatu.

3.3. Obrazovanje i stručna obuka

U toku izvještajnog perioda u okviru statistike obrazovanja provedeno je ukupno osam statističkih istraživanja. Statistika obrazovanja za sve nivoe obrazovanja je i u 2024. godini prikupljala podataka putem web aplikacija, osim za dio statistike visokog obrazovanja koji se tiče istraživanja za „Godišnji izvještaj o upisanim studentima (ŠV-20)” i „Godišnji izvještaj o diplomiranim studentima (ŠV-50)”.

Predškolsko obrazovanje

Godišnjim izvještajem ustanova za predškolski, vaspitno - obrazovni rad (PŠV) prikupljeni su podaci o broju ustanova razvrstanih na javne i privatne, broju djece prema spolu, godini rođenja, zaposlenosti roditelja kao i o zaposlenim u tim ustanovama, sa stanjem na dan 01. oktobra. Broj izvještajnih jedinica je 288. Podaci su publikovani za nivo Federacije BiH, kantona i općina.

Osnovno obrazovanje

Godišnji izvještaj o osnovnim školama (Statistički izvještaj za osnovne škole) – izvještajna jedinica za osnovno obrazovanje je svaka redovna osnovna škola koja radi, osnovna škola sa posebnim potrebama kao i umjetničke škole. Broj izvještajnih jedinica je 440 (matične škole). Istraživanjem za osnovno obrazovanje su prikupljeni podaci o broju škola i odjeljenja, ukupnom broju učenika, broju učenika koji su završili školu i broju nastavnog osoblja zaključno sa stanjem na dan 25. septembra. Broj pristiglih izvještaja je 1.050. Podaci su publikovani za nivo Federacije BiH, kantona i općina.

Srednje obrazovanje

Godišnji izvještaj srednjih škola (Statistički izvještaj za srednje škole) – izvještajne jedinice za istraživanje srednjih škola su redovne srednje škole (samostalne i mješovite), vjerske škole i škole sa posebnim potrebama. Broj izvještajnih jedinica je 212 (matične škole). Istraživanjem za srednje obrazovanje su prikupljeni podaci o broju škola i odjeljenja, ukupnom broju učenika, broju učenika koji su završili školu i broju nastavnog osoblja, zaključno sa stanjem na dan 25. septembra. Broj pristiglih izvještaja je 362. Podaci su publikovani za nivo Federacije BiH, kantona i općina.

Visoko obrazovanje

Izvještajne jedinice su visokoškolske ustanove koje čine univerziteti i visoke škole. Organizacione jedinice univerziteta su: fakulteti, akademije, visoke škole i naučni instituti. Podaci su prikupljeni od 90 izvještajnih jedinica sa stanjem na dan 31. decembra, i to o broju upisanih i diplomiranih studenata, magistara, doktora i nastavnog osoblja.

- Izvještaj o upisu studenata u zimski semestar (ŠV-22) – broj pristiglih izvještaja je 122.

- Godišnji izvještaj o upisanim studentima (ŠV-20) – broj pristiglih izvještaja je 52.867.
- Godišnji izvještaj o diplomiranim studentima (ŠV-50) – broj pristiglih izvještaja je 8.850.
- Izvještaj o nastavnom osoblju na visokoškolskim ustanovama (ŠV-60) – broj pristiglih izvještaja je 122.

Podaci su publikovani za nivo Federacije BiH, kantona i općina.

Finansijska statistika obrazovanja

Izvještajne jedinice su nadležna ministarstva obrazovanja na nivou Federacije BiH i na nivou kantona i sve privatne obrazovne ustanove u Federaciji BiH (privatne predškolske ustanove, privatne osnovne škole, privatne srednje škole i privatni univerziteti). Podaci za izdatke u javnim obrazovnim ustanovama su prikupljeni od 11 ministarstava u Federaciji BiH. Ovim istraživanjem prikupljeni su podaci o finansijskim pokazateljima (prihodima i rashodima) sa stanjem na dan 31.12.2023. godine. Publikovana su dva saopštenja o finansijskim pokazateljima u Federaciji BiH. Obrasci za prikupljanje podatka su:

- Statistički izvještaj za prihode i rashode javnih obrazovnih ustanova koje se finansiraju iz budžeta (FSO-J) – broj pristiglih izvještaja je 11.
- Statistički izvještaj za prihode i rashode privatnih obrazovnih ustanova koje se ne finansiraju iz budžeta (FSO-P) – broj pristiglih izvještaja je 149.

3.4. Zdravstvo

U okviru redovnog istraživanja Statistike javnog zdravstva preuzeti su podaci u obliku tabela od Zavoda za javno zdravstvo Federacije Bosne i Hercegovine. Podaci se publikuju u Statističkom godišnjaku i odnose se na: djelatnost opće medicine (zdravstveni radnici i posjete-pregledi), zdravstvena zaštita predškolske i školske djece, prijavljeni slučajevi zaraznih oboljenja, bolnički morbiditet i zdravstveni radnici sa visokom stručnom spremom prema specijalnosti i spolu.

Nacionalni zdravstveni računi

Oblast nacionalnih zdravstvenih računa (NHA) bazira se na prikupljanju i agregiranju podataka o ukupnoj potrošnji u zdravstvu po namjenama zdravstvene zaštite, izvorima finansiranja, pružaocima zdravstvenih usluga i tekućim izdacima u zdravstvu po pružaocima usluga zdravstvene zaštite i izvorima finansiranja, koji su u skladu sa Međunarodnom klasifikacijom za zdravstvene račune (ICHA).

Izvori podataka za NHA u Federaciji BiH su: Federalno ministarstvo zdravstva, Zavod za javno zdravstvo Federacije BiH, Agencija za statistiku BiH, Federalni zavod za statistiku, Kantonalna ministarstva zdravstva, Federalno ministarstvo finansija, Zavod zdravstvenog osiguranja i reosiguranja Federacije BiH, Kantonalni zavodi zdravstvenog osiguranja, Kantonalni zavodi za javno zdravstvo i Agencija za nadzor osiguranja Federacije BiH. Svi prikupljeni podaci publikovani su na web stranici Zavoda u formi saopćenja.

3.5. Prihodi i potrošnja

U oblasti statistike Prihoda, socijalne uključenosti i uvjeta života u 2024. godini planirano je i realizovano ukupno jedno statističko istraživanje.

Anketa o prihodima i uslovima života (SILC) - U skladu sa metodološkim preporukama Evropske unije i međunarodnim standardima, čime se obezbjeđuje međunarodna uporedivost podataka, Zavod je u saradnji sa ostale dvije statističke institucije u BiH pripremio metodologiju i statistički instrumentarij, pomoću kojih su uspješno realizovane sve aktivnosti Ankete o prihodima i uslovima života (EU – SILC 2024).

Anketa o prihodima i uslovima života (EU – SILC 2024) provedena je u svrhu prikupljanja podataka potrebnih za procjenu životnog standarda stanovništva i obezbjeđenja neophodnih indikatora za kreiranje socijalne i ekonomske politike.

Jedinice posmatranja predmetne ankete su domaćinstva izabrana slučajnim uzorkom. Veličina uzorka u 2024. godini bila je 6.212 domaćinstva na teritoriji Federacije Bosne i Hercegovine. Stopa neodgovora iznosi 19,3 % za ukupan uzorak.

Istraživanje Anketa o prihodima i uslovima života u Bosni i Hercegovini (EU-SILC), je istraživanje kojim se osigurava praćenje i uporedivost podataka statistike dohotka, siromaštva i socijalne uključenosti. Anketom se prikupljaju podaci o bruto i neto dohotku domaćinstva i svih članova domaćinstva, životnom standardu stanovništva, podaci o obrazovnom statusu osoba, statusu u aktivnosti i zaposlenosti, siromaštvu i socijalnoj isključenosti, materijalnoj deprivaciji, uslovima stanovanja, brizi o vlastitom zdravlju i najmlađim članovima domaćinstava, te podaci o ostalim aspektima životnih uslova domaćinstava.

3.6. Socijalna zaštita

U oblasti statistike Socijalne zaštite izvještajne jedinice su centri za socijalni rad, domovi za djecu i omladinu, ustanove za djecu i omladinu koje imaju smetnje u psihofizičkom razvoju, ustanove za maloljetnike društveno neprihvatljivog ponašanja, ustanove za odrasle invalidne osobe i ustanove za odrasle starije osobe (347 izvještajnih jedinica). Istraživanjem su prikupljeni podaci o broju centara i domova, broju korisnika, vrsti usluga i oblicima razvrstano po starosti i kategorijama korisnika. Svi prikupljeni podaci su obrađeni i publikovani u godišnjem biltenu.

U okviru socijalnih statistika sprovedeno je istraživanje Evropski sistem integrisane statistike socijalne zaštite (ESSPROS) i podaci su publikovani u vidu saopštenja. Istraživanjem su prikupljeni podaci od resornih federalnih ministarstava, resornih federalnih zavoda i resornih kantonalnih ministarstva nadležnih za socijalnu politiku. Ciljevi ESSPROS-a su pružiti sveobuhvatan opis socijalne zaštite u državama članicama Evropske unije i zemljama kandidatima za članstvo u Europskoj uniji, finansiranja socijalnih naknada, te stvaranje sistema pogodnog za međunarodnu uporedivost i usklađenost s drugim statistikama.

3.7. Pravosuđe i kriminalitet

U okviru statistike pravosuđa prikupljeni su podaci o prijavljenim, optuženim i osuđenim počiniteljima krivičnih djela, kao i žrtvama krivičnih djela. Statistički upitnici iz oblasti pravosuđa su:

- Statistički upitnik za punoljetnu osobu protiv koje su postupak po krivičnoj prijavi i istraga završeni (SK-1) – u toku 2024. godine, 12 izvještajnih jedinica je popunjavalo i u mjesečnoj periodici dostavljalo ovaj izvještaj.
- Statistički upitnik za optuženu punoljetnu osobu protiv koje je krivični postupak pravosnažno završen (SK-2) – u toku 2024. godine, 43 izvještajne jedinice su popunjavale i u mjesečnoj periodici dostavljale ovaj izvještaj.
- Statistički upitnik za maloljetnu osobu protiv koje su postupak po krivičnoj prijavi i pripremni postupak završen (SK-3) – u toku 2024. godine, 12 izvještajnih jedinica je popunjavalo i u mjesečnoj periodici dostavljalo ovaj izvještaj.
- Statistički upitnik za maloljetnu osobu prema kojoj je postupak pred vijećem pravosnažno završen (SK-4) – u toku 2024. godine, 43 izvještajne jedinice su popunjavale i u mjesečnoj periodici dostavljale ovaj izvještaj.
- Statistički upitnik o pravosnažno riješenim privrednim sporovima (SPS-11) – toku 2024. godine, 31 izvještajna jedinica je popunjavala i u mjesečnoj periodici dostavljala ovaj izvještaj.

Izvještajne jedinice za statistička istraživanja iz oblasti pravosuđa su: kantonalna tužilaštava za istraživanja SK-1 i SK-3, općinski i kantonalni sudovi za istraživanja SK-2 i SK-4, te općinski sudovi za istraživanje SPS-11.

Prikupljeni podaci iz oblasti statistike pravosuđa i kriminaliteta su objavljeni u vidu godišnjeg saopćenja i tematskog biltena, dok je dio podataka prikazan u statističkom godišnjaku u rokovima određenim Kalendarom publikovanja.

Agenciji za statistiku Bosne i Hercegovine su, po zahtjevu, dostavljeni podaci potrebni za izradu saopćenja za nivo BiH, podaci UNTCS upitnika, kao i podaci potrebni za izradu GREVIO i UNODC izvještaja.

3.8. Kultura

U oblasti statistike kulture i umjetnosti u toku 2024. godine prikupljeni su sljedeći podaci za referentnu 2023. godinu:

- za galerije su prikupljeni podaci o vrsti izložbe, izlagačima, posjetiteljima i zaposlenim (15 izvještajnih jedinica),
- za orkestre, ansamble i horove, prikupljeni su podaci o njihovom broju, koncertima i posjetiteljima u zemlji, u inozemstvu i na priredbama, izvedenim djelima domaćih i stranih autora (38 izvještajnih jedinica),
- za festivale prikupljeni su podaci o broju festivala, karakteru festivala, ukupnom broju sudionika, broju posjetitelja, broju organizacijskih tijela, broj članova u tijelima (54 izvještajnih jedinica),
- za kulturno – umjetnička društva prikupljeni su podaci o broju kulturno – umjetničkih društava, umjetničkim priredbama i izložbama, učešću na festivalima – smotrama, članovima i plaćenom osoblju (134 izvještajne jedinice),

- za zavode za zaštitu kulturnog i prirodnog naslijeđa prikupljeni su podaci o broju zavoda, broju kulturnih dobara, nepokretnim i pokretnim kulturnim dobrima, prirodnim dobrima separatima zaštite naslijeđa u oblasti prostornog i urbanističkog planiranja (8 izvještajnih jedinica),
- za radio i televiziju prikupljeni su podaci o broju stanica, vrsti i porijeklu programa i zaposlenim (29 TV stanica i 53 radio stanica),
- za kina su prikupljeni podaci o predstavama, posjetiteljima i zaposlenim (21 izvještajnih jedinica),
- za proizvodnju uvoz/izvoz i promet filmova prikupljeni su podaci o broju subjekata, broju zaposlenih, proizvodnji filmova, uvoz i izvoz filmova, promet (distribucija) filmova (5 izvještajnih jedinica),
- za udruženja građana iz oblasti kulture prikupljeni su podaci o broju udruženja, kulturnim domenima, prostorijama, članovima i plaćenom osoblju (146 izvještajnih jedinica),
- za centre za kulturu prikupljeni su podaci o broju centara, o aktivnosti centara, posjetiocima i zaposlenim (46 izvještajnih jedinica),
- za pozorišta su prikupljeni podaci o vrsti, broju predstava, vrsti izvedenih djela i zaposlenim (19 izvještajnih jedinica),
- za muzeje prikupljeni su podaci o broju muzeja, muzejskih zbirki, broju posjetitelja i broju zaposlenih (14 izvještajnih jedinica),
- za nacionalnu biblioteku Bosne i Hercegovine prikupljeni su podaci o broju knjiga, brošura, novina i časopisa, broju izdanja, broju štampanih primjeraka (1 izvještajna jedinica),
- za TV i radio stanice koje imaju zajedničke službe prikupljeni su podaci o broju zaposlenih po vrsti zaposlenja, tipu ugovora, starosnoj dobi, spolu i stručnoj spremi (12 izvještajnih jedinica),
- za arhive prikupljeni su podaci o broju arhivskih fondovi i zbirki, arhivskoj građi, korisnicima arhiva, podaci o zaposlenima (9 izvještajnih jedinica).

Prikupljeni podaci iz oblasti statistike kulture su objavljeni u vidu godišnjeg saopćenja i tematskog biltena, dok je dio podataka prikazan u statističkom godišnjaku u rokovima određenim Kalendarom publikovanja.

Agenciji za statistiku Bosne i Hercegovine su, po zahtjevu, dostavljeni podaci potrebni za izradu biltena za nivo BiH, kao i podaci potrebni za izradu UNESCO izvještaja.

Paralelno sa provođenjem statističkih istraživanja, statističke institucije u Bosni i Hercegovini su uz pomoć UNESCO-a organizovali više sastanaka sa izvještajnim jedinicama iz svih kulturnih domena, kako bi revidirali obrasce i na taj način unaprijedili kvalitet prikupljenih podataka, kao i smanjili opterećenje na izvještajne jedinice.

3.9. Statistika spolova (gender statistika)

Zavod je u toku 2024. godine pripremio statistički bilten „Žene i muškarci u Federaciji BiH”.

Publikacija se sastoji od sljedećih poglavlja: stanovništvo, zdravstvo, obrazovanje, zaposlenost i nezaposlenost, socijalna zaštita, pravosuđe, izbori i istraživanje i razvoj. Podaci su prezentirani u vidu tabela sa grafičkim prikazom i rezultat su provođenja

statističkih istraživanja Zavoda, a manji dio podataka preuzet je od drugih institucija ili drugih izvora podataka.

Publikacije je dodatno proširena i ažurirana u skladu sa smjernicama koje su stigle kao rezultat UN Women GEF projekta.

Pored naprijed navedenog, predstavnici Zavoda su učestvovali u radu Partnerske grupe za konsultacije, kao jednog od tri tima formirana u procesu izrade Strategije za prevenciju i borbu protiv nasilja u porodici 2021.-2027 u Federaciji Bosne i Hercegovine.

4. Ekonomske statistike

4.1. Makroekonomske statistike

Godišnji i kvartalni ekonomski računi

U oblasti statistike nacionalnih računa je tokom 2024. godine provedeno osam godišnjih istraživanja i prikupljeno ukupno 77.042 izvještaja i to:

- Godišnji izvještaji za obračun dodane vrijednosti za pravne osobe koje knjigovodstvo vode po kontnom okviru za privredna društva - Podaci preuzeti iz seta godišnjih finansijskih izvještaja (Izvještaj o finansijskom položaju na kraju perioda – Bilans stanja, Izvještaj o ukupnom rezultatu za period – Bilans uspjeha i Aneks – dodatni računovodstveni izvještaj za privredna društva) u elektronskoj formi od Finansijsko-informatičke agencije. Obračunom su obuhvaćeni podaci za 25.927 privrednih društava;
- Godišnji obračun bruto vrijednosti proizvodnje i dodane vrijednosti poljoprivrede privatnog sektora bez pravnih osoba-poljoprivredna gazdinstva, kojim su od 79 općina-gradova prikupljeni podaci o subvencijama datim individualnim poljoprivrednim proizvođačima. Podaci po proizvodima za nivo Federacije BiH i kantona, te podaci o cijenama poljoprivrednih proizvoda za nivo Federacije BiH su prikupljeni od Odsjeka za statistiku poljoprivrede, šumarstva, ribarstva i okoliša;
- Godišnji obračun bruto vrijednosti proizvodnje i dodane vrijednosti fizičkih osoba koje samostalno obavljaju djelatnost (DV-DZ), kojim su prikupljeni agregirani podaci za obrtnike od 79 ispostava Porezne uprave u gradu-općini;
- Godišnji izvještaj za obračun dodane vrijednosti za budžetske korisnike i vanbudžetske fondove – Podaci su preuzeti iz seta godišnjih finansijskih izvještaja (Račun prihoda i rashoda, Bilans stanja, Izvještaj o kapitalnim izdacima i finansiranju, Posebni podaci o plaćama i broju zaposlenih) u elektronskoj formi od Finansijsko-informatičke agencije. Obračunom su obuhvaćeni podaci za 1.381 budžetskog korisnika;
- Godišnji izvještaj za obračun dodane vrijednosti za udruženja i druge neprofitne organizacije – Podaci su preuzeti iz seta godišnjih finansijskih izvještaja (Izvještaj o prihodima i rashodima i Posebni podaci o plaćama i broju zaposlenih) u elektronskoj formi od Finansijsko-informatičke agencije.

Obračunom su obuhvaćeni podaci za 9.448 udruženja, čime je za 2023. godinu, kao i za prethodnu godinu, omogućen obračun na bazi punog obuhvata;

- Godišnji izvještaj banaka i drugih finansijskih organizacija (DV-B) kojim su prikupljeni podaci za 29 subjekata;
- Godišnji izvještaj osiguravajućih i reosiguravajućih društava (DV-OS) kojim su prikupljeni podaci za 12 osiguravajućih i reosiguravajućih društava;
- Godišnji izvještaj o investicijama (INV-01) kojim su prikupljeni podaci o isplatama za investicije u stalna sredstva, ukupno ostvarenim investicijama i ostvarenim investicijama u nova stalna sredstva za sve vrste pravnih osoba. Izvještaji su prikupljeni od 40.087 pravnih osoba, od kojih je 15.586 imalo investicije. Izvještaj INV-01 za 2023. godinu je sastavni dio excel predloška Finansijsko-informatičke agencije, tako da su podaci iz navedenog izvještaja preuzeti u elektronskoj formi od Finansijsko-informatičke agencije.

Na osnovu prikupljenih podataka obračunat je:

- Godišnji Bruto domaći proizvod (BDP) po proizvodnom pristupu u tekućim cijenama, cijenama prethodne godine i lančano povezane vrijednosti u cijenama 2021. godine, za Federaciju BiH;
- Godišnji BDP-a po dohodovnom pristupu u tekućim cijenama za Federaciju BiH i
- Investicije u stalna sredstva za Federaciju BiH i kantone (isplate za investicije prema izvorima finansiranja, ukupno ostvarene investicije i ostvarene investicije u nova stalna sredstva po tehničkoj strukturi i namjeni ulaganja).

Svi obračuni su urađeni za 2023. godinu, u skladu sa metodologijom „Evropski sistem računa 2010“ (ESA 2010), a prema Klasifikaciji djelatnosti BiH 2010. U obračun godišnjeg BDP-a uključene su i procjene neobuhvaćenih ekonomskih aktivnosti osim ilegalnih aktivnosti.

U toku 2024. godine obračunati su i publikovani podaci o tromjesečnom bruto domaćem proizvodu za Federaciju BiH po proizvodnom pristupu u skladu sa ESA 2010 metodologijom. Podaci su obračunati i publikovani za IV tromjesečje 2023. godine, te I i II tromjesečje 2024. godine u tekućim cijenama, cijenama prethodne godine, lančano povezane vrijednosti u cijenama 2015. godine, stope realnog rasta BDP-a (promjene u odnosu na isto tromjesečje prethodne godine), sezonski podešene lančano povezane vrijednosti u cijenama 2015 - stope realnog rasta (promjene u odnosu na prethodno tromjesečje).

Također, izvršen je preračun serije podataka (I tromjesečje 2008 - II tromjesečje 2024) tromjesečnog BDP-a na novu referentnu 2021. godinu te publikovani podaci za III tromjesečje 2024. godine na referentnu 2021. godinu.

Agenciji za statistiku BiH su, u toku 2024. godine, dostavljeni sljedeći podaci u skladu sa ESA 2010 metodologijom:

- podaci o godišnjem BDP-u prema proizvodnom pristupu u tekućim cijenama i cijenama prethodne godine, za 2023. godinu (agregirani podaci na nivou oblasti KD BiH 2010 po zahtjevu Agencije) - prvi i konačni rezultati;
- podaci o godišnjem BDP-u prema dohodovnom pristupu u tekućim cijenama za 2023. godinu (agregirani podaci na nivou oblasti KD BiH 2010 po zahtjevu Agencije) - prvi i konačni rezultati;

- podaci o Investicijama u stalna sredstva za 2023. godinu (baze podataka) - prvi i konačni rezultati.

Podaci potrebni za obračun BDP-a prema rashodnom pristupu za nivo Bosne i Hercegovine za 2023. godinu su, prema zahtjevu, dostavljeni Agenciji za statistiku BiH. Obračun rashodnog BDP-a se sa metodološkog aspekta vrši samo za nivo države.

Podaci statistike nacionalnih računa (Godišnji BDP po proizvodnom i dohodovnom pristupu, tromjesečni BDP, Investicije u stalna sredstva) su publikovani u vidu deset saopćenja i dva godišnja tematska biltena u skladu sa rokovima utvrđenim Kalendarom publikovanja.

Pripremljeni su podaci za „Statistički godišnjak 2024“ – dio za godišnji Bruto domaći proizvod po proizvodnom i dohodovnom pristupu i dio za Investicije u stalna sredstva.

U toku 2024. godine završene su aktivnosti na dodjeli šifre sektora aktivnim poslovnim subjektima sa stanjem Statističkog poslovnog registra (SPR) 31.12.2023. godine i podaci su dostavljeni Agenciji za statistiku BiH u dogovorenom formatu.

Krajem decembra 2024. godine objavljena je lista rezidentnih jedinica (poslovnih subjekata) razvrstanih u institucionalne sektore sa stanjem 31.12.2023. godine. Lista je pripremljena u skladu sa međunarodnim metodologijama i standardima: Evropski sistem računa 2010 (ESA 2010) i Priručnik o deficitu i dugu sektora države - MGDD, kao i u skladu sa Odlukom o utvrđivanju statističke klasifikacije institucionalnih sektora (Službeni glasnik BiH, broj 19/17).

4.2. Poslovne statistike

4.2.1. Strukturne poslovne statistike (SPS)

Statistički podaci za strukturno-poslovne statistike (SPS) su prikupljeni, obrađeni i objavljeni u skladu sa Planom provođenja statističkih istraživanja od interesa za Federaciju BiH za 2024. godinu.

SPS predstavlja opći okvir za prikupljanje podataka svih aktivnih tržišno orijentisanih preduzeća. Za proizvodnju strukturnih poslovnih statistika, kombinuju se podaci iz dva izvora: statističko istraživanje za preduzeća sa 20 i više zaposlenih i administrativni izvori (FIA) za ostala preduzeća te procjena podataka za preduzetnike. Izvještajne jedinice su poslovni subjekti registrovani u područjima B, C, D, E, F, G, H, I, J, L, M, N, P, Q, R i S prema KD BiH 2010.

Proces pripreme i realizacije Strukturno poslovnih statistika zasnovan je na uredbi Vijeća o strukturno poslovnim statistikama EU regulativa br. 2019/2152 i Uredbi za implementaciju br. 2020/1197. Istraživanjem su prikupljeni finansijski podaci o prihodima, rashodima i njihovoj strukturi, fakturisanom PDV-u, zalihama, broju i troškovima zaposlenih, ostvarenom izvozu i uvozu i sl. Na osnovu prikupljenih podataka po nabrojanim stavkama računa se ostvareni promet, vrijednost proizvodnje, dodana vrijednost, troškovi zaposlenih itd., kao i indikatori koji se odnose na promet, dodanu vrijednost i troškove rada, po zaposlenoj osobi, profitabilnost i sl. Kontrola

prikupljenih SPS podataka je urađena kroz poređenje s podacima iz Godišnjeg izvještaja industrije IND-21/Prodcom i sa podacima drugih granskih statistika.

Na osnovu podataka o broju zaposlenih iz Statističkog poslovnog registra i SPS podataka urađena je i objavljena procjena podataka za preduzetnike za referentnu 2022. godinu. SPS istraživanjem za referentnu 2023. godinu prikupljeni su i obrađeni podaci za 22.795 poslovna subjekata – pravna lica i urađena je procjena podataka za 29.484 preduzetnika.

Godišnji podaci strukturno poslovnih statistika objavljuju se u vidu saopćenja putem web stranice Zavoda, u publikaciji "Mjesečni statistički pregled Federacije BiH" i u Statističkom godišnjaku/ljetopisu Federacije BiH. Podaci strukturno poslovnih statistika se redovno dostavljaju Agenciji za statistiku BiH.

4.2.2. Godišnja istraživanja u industriji i građevinarstvu

Godišnji izvještaj industrije

U oblasti statistike industrije provedeno je statističko istraživanje Godišnji izvještaj industrije IND-21/PRODCOM za referentnu 2023. godinu. Istraživanje je provedeno na temelju Nomenklature industrijskih proizvoda NIP BiH 2024. koja je usklađena sa aktuelnom EU-PRODCOM listom za 2024. godinu.

Od 1.042 izvještajnih jedinica prikupljena su i obrađena 1.020 pozitivna izvještaja. Putem web aplikacije prikupljeno je 477 poslovnih subjekata ili njih 46,7%, što još uvijek nije na zavidnom nivou. Popunjavanje upitika putem web aplikacije ostvario bi se značajan napredak u smanjenju opterećenja izvještajnih jedinica, čime bi se skratilo vrijeme popunjavanja upitnika, kao i troškove slanja istog.

Ovim istraživanjem prikupljeni su podaci o: broju zaposlenih osoba, ostvarenoj proizvodnji, zalihama i prodaji industrijskih proizvoda količinski i vrijednosno, kao i o prodaji na stranom tržištu. Po završetku obrade podataka godišnjeg IND-21/PRODCOM istraživanja urađeno je saopćenje kao i Tematki bilten industrije i podaci su objavljeni u skladu sa planom publikovanja. U cilju dobijanja što kvalitetnijih statističkih podataka, rađeno je poređenje podataka iz vlastitih istraživanja (M KPS IND-1 i IND-21/PRODCOM) s podacima koji se prikupljaju u drugim oblastima statistike (Strukturno poslovnih statistika). Na osnovu podataka Godišnjeg istraživanja industrije IND-21/PRODCOM 2023 i SPS podataka za 2023. godinu, rađena je analiza glavne djelatnosti poslovnih subjekata. Informacije su proslijeđene Odsjeku za administrativni i statistički poslovni registar i klasifikacije radi ažuriranja Statističkog poslovnog registra. Također je rađeno na analizi poslovnih subjekata koji su dostigli prag da mogu biti uzeti u uzorak i praćeni i Mjesečnim izvještajem industrije. Svi rokovi za prikupljanje, obradu i publikovanje podataka su ispoštovani.

Godišnji izvještaj građevinarstva

U oblasti statistike građevinarstva u 2024. godini provedeno je statističko istraživanje Godišnji izvještaj za građevinske objekte (GRAD-11) za referentnu 2023. godinu. Od ukupno 278 izvještajnih jedinica koje su bile u uzorku, podaci su prikupljeni od 263

poslovna subjekta. Jedna izvještajna jedinica popunjava više izvještaja, tj. za svaki izgrađeni objekat posebno i ukupno je prikupljeno i obrađeno 3.139 pozitivnih izvještaja. Svi planirani rokovi za prikupljanje, obradu i publikovanje podataka su ispoštovani.

Istraživanjem Godišnji izvještaj za građevinske objekte (GRAĐ-11) prikupljeni su podaci o izgrađenim građevinskim objektima prema Klasifikaciji vrsta građevinskih objekata (KVGO), kao i prema lokaciji izgrađenog objekta.

Po završetku obrade podataka na osnovu statističkog istraživanja GRAĐ-11 urađen je i objavljen Tematski bilten građevinarstva u skladu sa planom publikovanja.

4.2.3. Kratkoročne poslovne statistike

Kratkoročna statistika industrije

U oblasti kratkoročne statistike industrije provedeno je redovno istraživanje Mjesečni izvještaj industrije (M KPS IND-1). Od 862 izvještajnih jedinica uzetih u uzorak u 2024. godini izvještaje je dostavilo 860 izvještajnih jedinica, a prikupljeno je i obrađeno ukupno 10.320 pozitivna izvještaja. Izvještajne jedinice za prikupljanje Mjesečnog izvještaja industrije su poslovni subjekti sa 10 i više uposlenih ili 500.000,00 KM dodane vrijednosti (cut-off metod izbora uzorka), a kojima je osnovna djelatnost industrija. Ovim istraživanjem se prikupljaju podaci i od poslovnih subjekata čija osnovna djelatnost nije industrija, ali u svom sastavu imaju jedinicu koja se bavi industrijskom proizvodnjom. Prikupljeni su podaci o: broju zaposlenih osoba, ostvarenoj mjesečnoj proizvodnji i prihodu od prodaje i isporuke proizvoda i usluga na domaćem i stranom tržištu. Na osnovu podataka iz Mjesečnog izvještaja industrije izračunava se Indeks obima industrijske proizvodnje za ukupno 2.340 pojedinačna proizvoda i objavljuju se 12 mjesečnih saopćenja.

Također, na osnovu podataka Mjesečnog izvještaja industrije izračunava se Indeks prometa u industriji i objavljuje se 12 mjesečnih saopćenja. Indeks prometa računa se za industriju ukupno, kao i promet proizvoda na domaćem i stranom tržištu. Pored izvornih indeksa objavljuju se sezonski i kalendarski prilagođeni indeksi i za industrijsku proizvodnju i za promet industrijskih proizvoda.

Od 2024. godine indeks industrijske proizvodnje kao i indeks prometa računa se na baznu 2021.godinu u skladu sa zahtjevima Eurostata. Izvršeno je preračunavanje vremenske serije indeksa industrijske proizvodnje od 2006-2023. godine na baznu 2021. godinu. Preračunavanje vremenske serije indeksa prometa industrije na baznu 2021.godinu urađeno je za period od 2010-2023.godine.

Praćenje industrijske proizvodnje u 2024.godini počelo je po novoj Nomenklaturi industrijskih proizvoda usklađenoj sa PRODCom listom za 2024. godinu.

Svi planirani rokovi za prikupljanje, obradu i publikovanje podataka su ispoštovani, kao i dostavljanje mjesečnih podataka po osnovu posebnih zahtjeva korisnika: Ministarstvu energije, rudarstva i industrije, Ministarstvu finansija, Ministarstvu poljoprivrede, vodoprivrede i šumarstva, Direkciji za ekonomsko planiranje i Međunarodnom monetarnom fondu.

Kratkoročna statistika proizvođačkih cijena idustrijskih proizvoda

Od januara 2024. godine Indeksi cijena proizvođača industrijskih proizvoda (PPI) se obračunavaju i publikuju sa novom baznom godinom 2021=100.

Tokom 2024. godine prikupljali su se podaci o Proizvođačkim cijenama proizvoda proizvedenih na teritoriji Federacije BiH (a prodatih na domaćem i inozemnom tržištu). Na osnovu provedenih istraživanja i prikupljenih podataka, mjesečno su se izračunavali sljedeći indikatori:

- Indeksi cijena proizvođača industrijskih proizvoda na domaćem tržištu,
- Indeksi cijena proizvođača industrijskih proizvoda na stranom tržištu i
- Ukupan Indeks cijena proizvođača industrijskih proizvoda.

Na osnovu cijena prikupljenih od proizvođača industrijskih proizvoda urađeni su mjesečni indeksi cijena proizvođača industrijskih proizvoda (PPI) koji se prodaju na domaćem tržištu, na inostranom tržištu i ukupni indeksi cijena proizvođača industrijskih proizvoda.

Putem obrasca C-41/DOM, od 464 izvještajne jedinice koje proizvode i prodaju industrijske proizvode na domaćem tržištu, mjesečno se prikupljalo oko 1.300 pojedinačnih cijena. Prikupljene cijene su služile da se izračunavaju Indeksi cijena proizvođača industrijskih proizvoda na domaćem tržištu.

Putem obrasca C-41/INO su se prikupljale cijene proizvoda koje izvještajne jedinice proizvode na teritoriji Federacije BiH i prodaju na inostranom tržištu. Obuhvaćeno je 378 izvještajnih jedinica i mjesečno se prikupljalo oko 600 pojedinačnih cijena koje su služile za izračun Indeksa cijena proizvođača industrijskih proizvoda na inostranom tržištu.

Za izračunavanje Ukupnog indeksa cijena proizvođača industrijskih proizvoda korištene su cijene prikupljene gore navedenim obrascima.

Indeksi su publikovani po Klasifikaciji djelatnosti BiH 2010, prema kojoj se poslovni subjekti razvrstavaju u područja B,C,D i E i Nomenklaturi industrijskih proizvoda BiH 2010.

U toku 2024. godine urađen je tematski bilten i u junu objavljen na web stranici Zavoda. Indeksi potrošačkih cijena i Indeksi cijena proizvođača industrijskih proizvoda (ukupan indeks, indeks na domaćem tržištu i indeks na inostranom tržištu) svakog mjeseca su publikovani u vidu saopćenja na web stranici Zavoda, kao i u redovnom „Mjesečnom statističkom pregledu FBiH”, u skladu sa rokovima utvrđenim Kalendarom publikovanja. Pripremljeni su podaci za „Statistički godišnjak 2024” – dio za Cijene (CPI i PPI).

Iz podataka o kretanju cijena proizvođača industrijskih proizvoda i potrošačkih cijena urađeni su i Koeficijenti rasta cijena koji se mjesečno objavljuju u Službenim novinama Federacije BiH. Agenciji za statistiku BiH se u mjesečnoj dinamici, u skladu sa jedinstvenom metodologijom koju koriste sve tri statističke institucije u BiH, dostavljaju podaci neophodni za izračunavanje PPI i CPI indikatora za nivo Bosne i Hercegovine.

Kratkoročna statistika građevinarstva

U oblasti kratkoročne statistike građevinarstva u 2024. godini provedena su slijedeća statistička istraživanja:

- Mjesečni izvještaj o izdatim odobrenjima za građenje M KPS GRAĐ-OG (izvještajne jedinice su: 80 općina/ gradske uprave, 10 Kantonalnih ministarstava i Federalno ministarstvo prostornog uređenja, za 2024. godinu ukupno je obrađeno 4.445 izvještaja),
- Tromjesečni izvještaj građevinarstva K KPS GRAĐ-21 (broj izvještajnih jedinica uzetih u uzorak je 274. Ukupno je obrađeno 1.016 pozitivna izvještaja, 20 negativna izvještaja i 60 neodgovora,),
- Tromjesečni izvještaj o radovima u inozemstvu GRAĐ-33 (broj izvještajnih jedinica 34, ukupno je obrađeno 136 izvještaja).

Mjesečnim izvještajem o izdatim odobrenjima za građenje (M KPS GRAĐ-OG) dobijeni su podaci o broju izdatih odobrenja za građenje, broju novih stanova i korisnoj površini stambenih i poslovnih prostora.

Izvještajne jedinice za prikupljanje Tromjesečnog izvještaja građevinarstva (K KPS GRAĐ-21) su poslovni subjekti sa 10 i više uposlenih čija je osnovna djelatnost građevinarstvo (cut-off metod izbora uzorka). Istraživanjem su obuhvaćeni i poslovni subjekti čija osnovna djelatnost nije građevinarstvo, ali u svom sastavu imaju jedinicu koja se bavi građevinskom proizvodnjom. Ovim istraživanjem prikupljeni su podaci o vrijednosti izvršenih radova, efektivnim satima rada, broju zaposlenih i stambenoj izgradnji. Na osnovu podataka Tromjesečnog izvještaja građevinarstva (K KPS GRAĐ-21) izračunava se Indeks proizvodnje u građevinarstvu. Pored izvornih indeksa računaju se i sezonski prilagođeni i kalendarski prilagođeni indeksi na osnovu radnih dana.

Istraživanjem Tromjesečni izvještaj o radovima u inozemstvu (GRAĐ-33) prikupljeni su podaci o ugovorenim i izvršenim građevinskim radovima u inozemstvu, broju zaposlenih osoba, po zemljama i vrstama radova.

Svi rokovi za prikupljanje, obradu i publikovanje podataka za provedena istraživanja su ispoštovani.

Kratkoročna statistika trgovine na malo

U oblasti kratkoročne statistike trgovine na malo provedeno je statističko istraživanje Mjesečni izvještaj trgovine na malo. Podaci za 2024. godinu su prikupljeni, obrađeni i objavljeni u skladu s Planom. Statističkim istraživanjem trgovine na malo prikupljaju se podaci o prometu (bez PDV-a). Izvještajne jedinice su poslovni subjekti – pravne osobe, koji su prema pretežnoj djelatnosti po Klasifikaciji djelatnosti KD BiH 2010 registrirani u području G, oblast 47- Trgovina na malo, osim trgovine motornim vozilima i motociklima, te izabrani poslovni subjekti koji su registrirani u drugim djelatnostima, ali čije jedinice u sastavu obavljaju djelatnost trgovine na malo. Statističko istraživanje trgovine na malo bazira se na kombiniranoj metodi uzorka i punog obuhvata. Poslovni subjekti čiji je godišnji prihod dva miliona KM i više obuhvaćeni su u potpunosti. Ostali subjekti izabrani su metodom slučajnog stratificiranog uzorka. Kao okvir za izbor uzorka koristi se Statistički poslovni registar

Zavoda. Ukupan uzorak za 2024. godinu sastojao se od 1.032 poslovna subjekta. Broj pozitivnih odgovora iznosi 11.741 ili 94,8%. Podaci o prometu u trgovini na malo (bez PDV-a) objavljuju se u obliku sezonski i kalendarski prilagođenih nominalnih i realnih indeksa, kao i izvornih, neprilagođenih indeksa.

Kratkoročna statistika distributivne trgovine

U oblasti kratkoročne statistike distributivne trgovine provedeno je statističko istraživanje Mjesečni indikatori distributivne trgovine; podaci su prikupljeni, obrađeni i objavljeni u skladu s Planom. Statističkim istraživanjem distributivne trgovine prikupljaju se podaci o prometu (bez PDV-a) i zalihama na mjesečnom nivou, dok se objava rezultata saopštava na kraju posmatranog tromjesečja. Izvještajne jedinice su poslovni subjekti – pravne osobe, koji su prema pretežnoj djelatnosti registrirani u području G KD BiH 2010 – Trgovina na veliko i na malo, popravak motornih vozila i motocikla, te izabrani poslovni subjekti koji su registrirani u drugim djelatnostima, ali u svom sastavu imaju jedinice koje obavljaju neku od djelatnosti trgovine. Statističko istraživanje distributivne trgovine bazira se na kombiniranoj metodi uzorka i punog obuhvata, u zavisnosti od veličine preduzeća. Poslovni subjekti čiji je godišnji prihod četiri miliona KM i više, obuhvaćeni su u potpunosti. Ostali subjekti izabrani su metodom slučajnog stratificiranog uzorka. Ukupan uzorak za 2024. godinu sastojao se od 1.702 poslovna subjekta. Prikupljeno je 19.360 pozitivnih izvještaja, što znači da broj pozitivnih odgovora iznosi 94,5%. Podaci o prometu distributivne trgovine objavljuju se u obliku sezonski i kalendarski prilagođenih indeksa i izvornih, neprilagođenih indeksa.

Kratkoročna statistika prijevoza i skladištenja

U oblasti kratkoročne statistike prijevoza i skladištenja provedeno je statističko istraživanje Kvartalni indikatori u prijevozu i skladištenju. Podaci su prikupljeni, obrađeni i objavljeni u skladu s Planom Statističkog istraživanja Kvartalni indikatori u transportu i skladištenju koje se provodi na bazi slučajnog stratificiranog uzorka. U 2024. godini uzorkom je obuhvaćeno 492 poslovna subjekta. Broj pozitivnih odgovora iznosi 5.724 ili 96,9% od ukupnog uzorka.

Podaci o prometu za prijevoz i skladištenje objavljuju se u obliku sezonskih i kalendarski prilagođenih indeksa i izvornih, neprilagođenih indeksa što je u skladu s EU regulativom (EC) No 1165/98, aneks D za kratkoročne statistike.

Kratkoročna statistika ostalih usluga

Statističkim istraživanjem Mjesečni indikatori za ostale uslužne djelatnosti podaci su prikupljeni, obrađeni i objavljeni u skladu s Planom za 2024. godinu.

Obuhvaćene su sljedeće djelatnosti prema Klasifikaciji djelatnosti KD BiH 2010: H53 - Poštanske i kurirske djelatnosti; I - Djelatnosti pružanja smještaja te pripreme i usluživanja hrane; J - Informacije i komunikacije; M - Stručne, znanstvene i tehničke djelatnosti (isključujući granu 70.1. i oblasti 72 i 75); N - Administrativne i pomoćne uslužne djelatnosti; L – Poslovanje nekretninama.

Istraživanje Mjesečni indikatori za ostale uslužne djelatnosti (M KPS USL 01) se provodi na bazi slučajnog stratificiranog uzorka kojim je obuhvaćeno 1.386 poslovnih subjekata. Broj pozitivnih odgovora iznosi 14.998 ili 90,2% od ukupnog uzorka. Podaci o ukupnom prometu objavljuju se u obliku sezonski i kalendarski prilagođenih indeksa i izvornih, neprilagođenih indeksa.

Sadržaj i periodika istraživanja za uslužne djelatnosti harmonizirani su s EU regulativom (EC) No 1165/98, aneks D za kratkoročne statistike.

Svi rezultati dobijeni na osnovu provođenja kvartalnih statističkih istraživanja objavljeni su u vidu saopćenja na web stranici Zavoda prema kalendaru publiciranja 2024, kao i u publikaciji Mjesečni statistički pregled Federacije BiH te u Statističkom godišnjaku / ljetopisu.

Proizvođačke cijene u uslužnim djelatnostima

U 2024. godini nastavljene se planirane aktivnosti: prikupljanje, kontrola, unos podataka, dostavljanje podataka po osnovu zahtjeva Agencije za statistiku BiH, kao i objava rezultata istraživanja za 5 uslužnih djelatnosti: H 49.41 - Cestovni prijevoz robe, H 52.10 - Skladištenje, M 71.1 - Arhitektonske i inženjerske djelatnosti N 80 - Zaštitne i istražne djelatnosti i N 81.2 - Djelatnosti čišćenja. Za djelatnosti H 53.10 - Univerzalne poštanske usluge, H 53.20 - Ostale poštanske i kurirske usluge i J 61 - Telekomunikacijske usluge je urađen probni izračun indeksa bez obaveze objavljivanja podataka. Kroz navedena istraživanja obuhvaćeno je 277 poslovnih subjekata i prikupljeno je 90% pozitivnih izvještaja.

Razvoj proizvođačkih cijena usluga biće nastavljen u 2025. godini kao zajednička aktivnost tri statističke institucije u BiH u okviru projekta IPA 2019 Twinning i MBP IPA 2022.

4.2.4. Poslovni registri i statističke jedinice

Prema članu 10. Zakona o klasifikaciji djelatnosti u Federaciji Bosne i Hercegovine („Službene novine Federacije BiH“ br. 64/07 i 80/11) Federalni zavod za statistiku (u daljem tekstu: Zavod) vodi Registar poslovnih subjekata i Statistički poslovni registar (u daljem tekstu: SPR). SPR je uspostavljen na osnovu Evropskog parlamenta i Vijeća Evropske unije broj 177/2008, a u cilju usklađivanja statističkog sistema Bosne i Hercegovine sa statističkim sistemima zemalja Evropske unije.

Podaci ovog registra su podloga za izvršavanje obaveza Zavoda definisanih Planom statističkih istraživanja od interesa za Federaciju Bosne i Hercegovine, Strategijom razvoja Federacije BiH 2021-2027 („Službene novine Federacije BiH“, broj 40/22), a i obaveza iz Akcionog plana Evropske komisije u okviru Mjera za realizaciju prioriteta i u okviru Poglavlja 18 Statistika - iz Upitnika Evropske komisije.

Statistički poslovni registar (SPR) je evidencija poslovnih subjekata i sadrži osnovne identifikacione i adresne podatke o preduzećima, podatke o njihovim djelatnostima kao i indikatore veličine preduzeća formirane na osnovu finansijskih podataka i podataka o

broju zaposlenih. SPR predstavlja osnovu za provođenje statističkih istraživanja i služi kao okvir za pravljenje, odnosno dizajn uzorka za statistička istraživanja.

Osnovni izvori informacija za SPR predstavljaju administrativni registri (administrativne evidencije o poslovnim subjektima), statistički izvori (informacije prikupljene kroz različita statistička istraživanja) i ostali administrativni izvori.

Ažuriranje podataka u SPR-u tokom 2024. godine kontinuirano se provodilo sa ciljem poboljšanja kvaliteta podataka o statističkim jedinicama, odnosno preduzećima i lokalnim jedinicama.

Osnovni izvor podataka o poslovnim subjektima za SPR je Registar poslovnih subjekata - administrativni registar. Procedure ažuriranja podataka u SPR-u, u tromjesečnoj dinamici, provodile su se na osnovu podataka koji se preuzimaju od Porezne uprave Federacije BiH (PU FBiH) uključujući i podatke iz Jedinственог sistema registracije, kontrole i naplate doprinosa.

Kao izvor podataka za ažuriranje djelatnosti i statusa aktivnosti poslovnih subjekata u SPR-u koriste se i podaci koji se na godišnjem nivou dobijaju od Finansijsko-informatičke agencije (FIA).

Veoma važni izvori podataka za ažuriranje SPR-a su bila i statistička istraživanja. Na osnovu povratnih informacija u 2024. godini, dobijenih iz provedenih statističkih istraživanja izvršeno je ažuriranje SPR-a.

Dodatni izvor za ažuriranje SPR-u koristili su se i podaci Agencije za statistiku BiH o statusu transakcijskih računa poslovnih subjekata koji se dobijaju iz Centralne banke BiH te podataka o ostvarenom prometu iz Uprave za indirektno oporezivanje BiH. Informacije iz Službenih novina Federacije BiH (o stečaju/likvidaciji i gašenju poslovnih subjekata), sa internetskih stranica kao i direktna komunikacija sa poslovnim subjektima bili su dodatni izvor za ažuriranje SBR. Također, kao izvori za ažuriranje SPR-a korištene su web stranice Visokog sudskog i tužilačkog vijeća, Advokatske komore FBiH, Registra vrijednosnih papira FBiH, stranice telekom operatera za kontakt telefone, kao i web stranice poslovnih subjekata.

Provedeno je posebno SPR istraživanje za 2024. godinu pod nazivom "Istraživanje o djelatnosti preduzeća/poduzeća". Osnovni cilj istraživanja je bio prikupljanje podataka o svim djelatnostima koje preduzeće obavlja i koje, pored glavne tj. pretežne djelatnosti, učestvuju u ukupnoj dobiti preduzeća. Ovo istraživanje je predstavljalo nastavak istraživanja provedenog u prethodnim godinama. Istraživanjem su bili obuhvaćeni aktivni poslovni subjekti, odnosno sva aktivna preduzeća koja pored glavne djelatnosti imaju najmanje dvije različite djelatnosti u okviru različitih oblasti i koja su podnijela Završni račun za 2022. godinu i imala su 50 i više zaposlenih iz finansijskog izvještaja ili su imala podatke iz Jedinственог sistema registracije u bilo kojem kvartalu tokom 2023. godine na bazi stanja registra na dan 31.12.2023. godine. Za potrebe istraživanja korištena je važeća Klasifikacija djelatnosti Bosne i Hercegovine 2010. Iz istraživanja su bila isključena sljedeća područja djelatnosti prema KD BiH 2010: K – Finansijske djelatnosti i djelatnosti osiguranja, O – Javna uprava i odbrana; obavezno socijalno osiguranje, P - Obrazovanje i Q – Djelatnosti zdravstvene zaštite i socijalne pomoći.

Ukupan broj preduzeća uključenih u istraživanje za Federaciju BiH je bio 208. Istraživanje je provedeno u Odsjeku za administrativni i statistički poslovni registar i

ekonomske klasifikacije. Broj preduzeća koja su odgovorila na upitnik je 134 ili 64,42%.

Nastavljena je aktivnost ispravke varijabli u SPR-u pomoću kojih se određuje šifra institucionalnog sektora. Izvršena je kontrola oblika organizovanja, oblika vlasništva i porijekla kapitala na oko 2500 poslovnih subjekata. Navedeni subjekti su dobijeni kroz kontrole Odsjeka za administrativni i statistički poslovni registar i ekonomske klasifikacije, Odsjeka za statistiku nacionalnih računa i Odsjeka za razvoj aplikacija za unos podataka. Poslovni subjekti sa uočenim pogrešnim varijablama kao što su oblik organizovanja, oblik vlasništva, porijeklo kapitala, greške u nazivu i sjedištu te status aktivnosti redovno su dostavljani Odsjecima za registraciju PUFBiH elektronskim putem.

Dalje unapređenje SPR vezano je za slijedeće projekte:

- EU za daljnji razvoj statističkog sistema u BiH IPA Twinning 2019 – Nastavak razvoja odnosno profiliranja i grupe preduzeća (EG). Cilj komponente ovog projekta je razvoj plana za kontinuirano ažuriranje baze podataka EG. Pored toga, pokrenuti rad na profiliranju na osnovu preporuka datih u prethodnom Twinning projektu
- IPA 2022 višekorisnički program statističke saradnje - Identifikovana su područja koja bi bila fokusom rada tokom ovog projekta a odnosi se na uvođenje Jedinica po vrsti djelatnosti (JVD) te uvođenje broja zaposlenih na nivou lokalnih jedinica u SPR-u. Uvođenje broja zaposlenih rađeno je 74.207 poslovnih subjekata i njihovih dijelova koji imaju prijavljene zaposlene u Jedinstvenom informacionom sistemu.

Neophodno je unapređenje sadržaja i kvaliteta podataka SPR-a, kao i proširenje i prilagođavanje IT sistema SPR-a u skladu sa metodološkim potrebama i usaglašavanje sa EU standardima.

Na osnovu Zakona o izmjenama i dopunama zakona o registraciji poslovnih subjekata u Federaciji Bosne i Hercegovine ("Službene novine Federacije BiH" broj 85/21) Zavod je naveden kao institucija u Sistemu registra, kao i u jednošalterskom sistemu. Aktivnosti su započete u novembru 2021. godine, a u 2025. godini očekuje se učešće Zavoda u ovim aktivnostima.

Vršene su obrade zahtjeva različitih kategorija korisnika za ustupanje podataka iz administrativnog registra uz primjenu odredbi Pravilnik o korištenju podataka registra poslovnih subjekata ("Službene novine Federacije BiH" broj 104/18).

Redovno su davana stručna uputstava u pogledu upita terenskih odjeljenja o ispravnoj dodjeli pretežne djelatnosti poslovnim subjektima.

Podaci iz Registra poslovnih subjekata – administrativni registar objavljeni su u formi saopćenja (dva puta godišnje) na web stranici Zavoda, dok su godišnji podaci objavljeni u Statističkom godišnjaku /Ijetopisu Federacije BiH. Podaci SPR dostavljani su Agenciji za statistiku BiH u skladu sa planom.

Završen prijevod Strukture KD i Strukture KD sa objašnjenjima prema posljednjoj verziji NACE Rev. 2.1 V1.05.

Provođene su aktivnosti na izradi novog Pravilnika o razvrstavanju poslovnih subjekata prema klasifikaciji djelatnosti u FBiH.

4.2.5. Međunarodna trgovina i platni bilans

Proizvodnja statističkih podataka o robnoj razmjeni Federacije BiH s inozemstvom, kao i proizvodnja indeksa jediničnih vrijednosti izvoza i uvoza izvršeni su u skladu s Planom za 2024. godinu. Obračun indeksa jediničnih vrijednosti izvoza i uvoza zasniva se na podacima iz statističkog istraživanja Robna razmjena Federacije BiH sa inozemstvom. Cilj ove aktivnosti je sagledavanje dinamike kretanja cijena, odnosno jediničnih vrijednosti roba koje se izvoze i uvoze iz/u Federaciju BiH.

Objava mjesečnih rezultata dobijenih iz statističkog istraživanja Robna razmjena Federacije BiH sa inozemstvom bila je u vidu saopćenja putem web stranice Zavoda i u publikaciji "Mjesečni statistički pregled Federacije BiH".

Indeksi jediničnih vrijednosti izvoza i uvoza objavljeni su u kvartalnoj periodici na web stranici Zavoda u skladu s rokovima utvrđenim Kalendarom publiciranja 2024. Godišnji podaci za 2023. godinu objavljeni su u tematskom biltenu i u Statističkom godišnjaku/ljetopisu Federacije BiH.

Kontinuirano je rađena obrada statističkih podataka prema zahtjevima internih i vanjskih korisnika podataka o vanjskotrgovinskim robnim transakcijama Federacije BiH.

4.2.6. Cijene

Indeksi potrošačkih cijena

Tokom 2024. godine u oblasti statistike cijena prikupljali su se podaci o Cijenama na malo snimljenim u prodajnim mjestima. Na osnovu provedenog istraživanja i prikupljenih podataka, mjesečno se izračunavao Indeks potrošačkih cijena.

Za potrebe obračuna Indeksa potrošačkih cijena (CPI), kao indikatora inflacije, prikupljale su se cijene proizvoda i usluga lične potrošnje u 1.202 prodajna mjesta u Sarajevu, Tuzli, Zenici, Mostaru i Bihaću. Mjesečno se prikupljalo preko 11.200 pojedinačnih cijena. Za potrebe rada Savjeta za praćenje cijena u Federaciji BiH, pored gore pomenutih gradova, snimale su se cijene i u Travniku, Goraždu, Livnu, Širokom Brijegu i Orašju u 163 prodajna mjesta. Cijene u prodajnim objektima snimaju ovlašteni uposlenici Zavoda.

Stambena statistika i cijene u građevinarstvu

U oblasti Stambene statistike i cijena u građevinarstvu u 2024. godini provedena su slijedeća statistička istraživanja:

- Tromjesečni izvještaj o cijenama prodatih novih stanova GRAĐ-41 (broj izvještajnih jedinica 51, godišnje 204 izvještaja),
- Tromjesečni izvještaj o cijenama građevinskih radova u stanogradnji K KPS GRAĐ-PCG (broj izvještajnih jedinica 83, godišnje 324 izvještaja),
- Godišnji izvještaj o cijenama građevinskih radova u niskogradnji GRAĐ-PCG-N (broj izvještajnih jedinica 44, godišnje 44 izvještaja)

Istraživanjem Tromjesečni izvještaj o cijenama novih stanova (GRAD-41) prikupljeni su podaci o cijenama novoizgrađenih stanova, cijeni zemljišta, troškovima gradnje i ostalim troškovima.

Istraživanjem Tromjesečni izvještaj o cijenama građevinskih radova u stanogradnji (GRAD-PCG) prikupljene su prodajne cijene za izvršene građevinske radove na stambenim objektima. Cijene se prikupljaju od građevinskih preduzeća koja se bave stambenom izgradnjom i/ili obavljaju specijalizovane građevinske radove na stambenim objektima.

Istraživanjem Godišnji izvještaj o cijenama građevinskih radova u niskogradnji (GRAD-PCG-N), prikupljaju se cijene za građevinske radove u niskogradnji (radovi na autoputu, magistralnim putevima, tunelima i mostovima).

Svi rokovi za prikupljanje, obradu i publikovanje podataka za provedena istraživanja su ispoštovani.

5. Sektorske statistike

5.1. Statistika šumarstva i računi

U okviru statistike šumarstva, uključujući lovstvo, realizovano je osam statističkih istraživanja, od toga sedam godišnjih i jedno mjesečno. Svi podaci su publikovani u skladu sa Planom.

- Mjesečnim istraživanjem o proizvodnji, zalihama i vrijednosti šumskih sortimenata (ŠUM-22) su prikupljeni podaci o proizvodnji (sječi), prodaji, zalihama i vrijednosti šumskih sortimenata u državnim šumama, i isti se prikupljaju i objavljuju mjesečno za nivo kantona i Federacije BiH. Izvještajne jedinice su poslovni subjekti-pravna lica registrovani u djelatnosti šumarstva koje se bave stalnom proizvodnjom šumskih sortimenata. Podaci su prikupljeni od 25 izvještajnih jedinica.
- Podaci o ukupno posjećenju drvnoj masi (ŠUM-21), podizanju i gajenju šuma (ŠUM-41), štetama u šumama (ŠUM-51) i šumskim požarima (ŠUM-pož) prikupljaju se za državne i privatne šume na godišnjem nivou. Izvještajne jedinice za državne šume su pravna lica registrovana u djelatnosti šumarstva koja gospodare državnim šumama, a za privatne šume izvještaje podnose nadležni organi uprave koji upravljaju privatnim šumama. Za ova četiri godišnja istraživanja podaci su prikupljeni od 148 izvještajnih jedinica.
- Podaci o građevinskim objektima, saobraćajnicama i mehanizaciji u šumarstvu (ŠUM-61) prikupljeni su od pravnih lica registrovanih u djelatnosti šumarstva koji se bave stalnom proizvodnjom šumskih sortimenata. Podaci su prikupljeni od 31 izvještajne jedinice.
- Nastavljen je rad na unaprijeđenju istraživanja „Ekonomski računi u šumarstvu (ŠUM-ER)“. Izvještajne jedinice su javna preduzeća šumarstva i preduzeća koja se bave uslugama u šumarstvu. Ovim istraživanjem prikupljeni su podaci o prihodima i troškovima, kapitalnim investicijama i grantovima, porezima, rentama, kamatama i ukupnom broju radnih sati. Podaci su prikupljeni od 159 izvještajnih jedinica.
- Statistika lovstva (LOV-11) prikuplja podatke o brojnom stanju divljači, odstrjelu divljači, broju lovišta i lovaca, te lovačkim zgradama i objektima, kao i broj zaposlenika na godišnjem nivou. Izvještajne jedinice su poslovni subjekti koji se

bave lovstvom (lovačka društva/udruge, preduzeća i ostale organizacije) i koji imaju svoja lovišta ili gazduju lovištima. Podaci su prikupljeni od 149 izvještajnih jedinica.

Nastavljen je rad na jačanju međuinstitucionalne saradnje između Zavoda i Federalnog ministarstva poljoprivrede, vodoprivrede i šumarstva, kao administrativnog izvora podataka.

5.2. Statistika poljoprivrede

U oblasti statistike poljoprivrede, realizovano je 16 statističkih istraživanja i podaci su publikovani u skladu sa Planom. Prikupljeni su podaci od pravnih lica koji su registrovani u djelatnosti poljoprivrede, a za porodična poljoprivredna gazdinstva podaci su prikupljeni od općina na osnovu procjena koje su uradile općinske službe za poljoprivredu. Sva statistička istraživanja za koja je izvještajna jedinica pravno lice, provodena su na bazi punog obuhvata, osim istraživanja „Tromjesečni izvještaj o cijenama reprezentativnih inputa u poljoprivredi” (mineralna gnojiva, pesticidi, stočna hrana i veterinarski proizvodi), koje se provodi na bazi ciljanog uzorka.

Statistika poljoprivrede prikuplja podatke o poljoprivrednoj proizvodnji za sljedeće oblasti:

- statistiku biljne proizvodnje,
- statistiku stočarstva, mesa i jaja,
- statistiku mlijeka i mliječnih proizvoda,
- poljoprivredne strukture i
- cijene u poljoprivredi i ekonomski računi.

U okviru statistike biljne proizvodnje prikupljeni su i obrađeni podaci o korištenju poljoprivrednih površina, oraničnim površinama (ukupnim, neobrađenim, zasijanim), kao i požnjevenim površinama (po usjevima i grupama usjeva), zatim o ostvarenoj proizvodnji usjeva, voća i grožđa (obuhvat 287 poslovnih subjekata - pravnih lica iz oblasti poljoprivrede i 79 općina - za porodična poljoprivredna gazdinstva), stablima voća i čokotima vinove loze (ukupna i rodna), te potrošnji inputa u poljoprivredi. Podaci se koriste za dobijanje indikatora o površinama - zasijanim i požnjevenim, i prinosima usjeva voća i grožđa, te za izračunavanje indeksa poljoprivredne proizvodnje i ekonomskih računa u poljoprivredi.

U okviru statistike stočarstva, mesa i jaja prikupljeni su i obrađeni sljedeći podaci po oblastima:

- podaci o klanju stoke i peradi po vrstama i kategorijama u klaonicama (31 klaonice i 30 veterinarskih stanica), u svrhu dobijanja podataka o proizvodnji mesa u klaonicama i za izračunavanje ekonomskih računa u poljoprivredi;
- podaci o aktivnosti inkubatorskih stanica (broj jaja smještenih u inkubator i broj izležanih pilića starih jedan dan), i podaci o kapacitetu i namjeni inkubatorskih stanica (8 inkubatorskih stanica);
- podaci o brojnom stanju stoke i peradi, po vrstama i kategorijama i košnica pčela, stočnoj proizvodnji (mlijeko, vuna, jaja i med), bilansu stoke i peradi (302 poljoprivredna preduzeća i 79 općina).

U okviru statistike stočarstva prikupljeni su i obrađeni podaci statistike mlijeka i mliječnih proizvoda (31 mljekare), u svrhu dobivanja podataka o prikupljenim količinama sirovog mlijeka sa prosječnim sadržajem masnoće i proteina, kao i proizvodnji mliječnih proizvoda.

U dijelu Poljoprivredni računi i cijene (agro-monetarna statistika) prikupljeni su i obrađeni podaci o otkupu i prodaji poljoprivrednih proizvoda, tj. količini, vrijednosti i prosječnoj cijeni poljoprivrednih proizvoda, (439 izvještajnih jedinica), te cijenama reprezentativnih inputa: stočna hrana, mineralna gnojiva, sredstva za zaštitu bilja, veterinarske usluge (60 izvještajnih jedinica). Podaci su korišteni za potrebe izrade apsolutnih cijena i indeksa cijena outputa i inputa u poljoprivredi, te za potrebe izrade ekonomskih računa u poljoprivredi.

Podaci su publikovani u skladu sa rokom utvrđenim Kalendarom publikovanja.

U avgustu 2023 započeo je projekat IPA 2019 „Podrška popisu poljoprivrede u BiH“ čiji su korisnici tri statističke institucije u BiH. U 2024 u sklopu planiranih aktivnosti na popisu poljoprivrede donesen je i usvojen „Akcioni plan za pripremu provođenje i diseminaciju rezultata Popisa poljoprivrede u BiH 2023. – 2026“. Isti je ažuriran, a sve u skladu sa zaključkom Vijeća ministara BiH donesenog na 56. sjednici održanoj 18.07.2024. godine, a u vezi sa odlaganjem Popisa poljoprivrede u BiH za 2025. godinu. Izvršene su pripremne radnje na izradi metodologije i urađena njena radna verzija. Vršene su aktivnosti na izradi i usaglašavanju upitnika, kao i logičkih kontrola na upitniku.

5.3. Statistika ribarstva

U okviru statistike ribarstva u 2024. godini provedeno je Godišnje istraživanje o akvakulturi/vodenom uzgoju (AQ-1) za 2023. godinu. Prikupljeni su podaci o proizvodnji i prvoj prodaji ribe, mlađi i ribljih jaja/ikre kao i inputima u ribarstvu. Istraživanjem je obuhvaćeno 26 izvještajnih jedinica (pravna lica registrovane u oblasti akvakulture/ vodenog uzgoja).

Podaci su publikovani u skladu sa rokom utvrđenim Kalendarom publikovanja.

5.4. Energija

U oblasti energetske statistike u 2024. godini provedeno je 11 godišnjih i 5 mjesečnih statističkih istraživanja. Ukupan broj izvještajnih jedinica za godišnja istraživanja je 1.174 pozitivnih izvještaja, dok negativnih izvještaja nije bilo. Ukupan broj izvještajnih jedinica za mjesečna istraživanja je 85 i ukupno je prikupljeno i obrađeno 1.020 izvještaja iz mjesečnih istraživanja. U okviru statistike energetike proizvode se indikatori o uvozu, izvozu, proizvodnji i raspoloživosti za potrošnju energenata. Izvještajne jedinice za prikupljanje podataka energetske statistike su poslovni subjekti koji se bave: proizvodnjom i distribucijom električne energije, proizvodnjom uglja, proizvodnjom toplotne energije, distribucijom plina, trgovinom čvrstim gorivima i naftnim derivatima, te proizvodnjom i potrošnjom drvnih goriva. Također, izvještajne

jedinice su i poslovni subjekti registrirani u oblasti industrije koji koriste i troše energente.

Na osnovu podataka godišnjeg statističkog istraživanja izračunavaju se podaci o proizvodnji, uvozu, izvozu i potrošnji energenata u Federaciji Bosne i Hercegovine. Istraživanjima su prikupljeni i obrađeni sljedeći podaci: o proizvodnji, distribuciji i potrošnji električne energije (u obuhvatu 10 izvještajnih jedinica), o proizvodnji i potrošnji toplotne energije (u obuhvatu 13 izvještajnih jedinica), o proizvodnji i potrošnji uglja (u obuhvatu 9 izvještajnih jedinica), o trgovini uglja (u obuhvatu 27 izvještajnih jedinica), o snabdijevanju prirodnim plinom (u obuhvatu 3 izvještajne jedinice), o trgovini naftnim proizvodima (u obuhvatu 104 izvještajne jedinice), o proizvodnji i potrošnji energenata u koksnoj industriji (u obuhvatu 2 izvještajne jedinice), o utrošku energenata u industriji (u obuhvatu 975 izvještajnih jedinica), istraživanje o proizvodnji i potrošnji drvnih goriva (u obuhvatu 31 izvještajna jedinica).

Kratkoročna statistika energije prikuplja podatke o mjesečnoj proizvodnji električne energije, u obuhvatu je 34 izvještajne jedinice, na godišnjem nivou 408 izvještaja i podaci o proizvodnji i raspoloživosti za potrošnju čvrstih goriva, u obuhvatu je 14 izvještajnih jedinica, na godišnjem nivou je 168 izvještaja.

Mjesečnim istraživanjem o trgovini naftnim proizvodima prikupljeni su podaci od 35 izvještajnih jedinica, ukupno 420 izvještaja.

Svi rokovi za prikupljanje, obradu i publikovanje podataka za navedena istraživanja su ispoštovani u skladu s Planom provođenja statističkih istraživanja.

U junu 2024.godine provedena je Anketa o potrošnji energenata u domaćinstvima. Ukupan uzorak za FBiH bio je 3.888 domaćinstava. Na anketu je odgovorilo 2.850 domaćinstava dok je 1.038 domaćinstava odbilo da bude anketirano. Obrada podataka nije završena u 2024.godini.

5.5. Transport

U okviru statistike transporta provedeno je ukupno 15 statističkih istraživanja u tromjesečnoj i/ili godišnjoj periodici i to za:

- kopneni (cestovni i željeznički) prijevoz putnika i robe;
- zračni prijevoz putnika i robe;
- informacioni sistem statistike transporta i
- transportnu sigurnost.

U skladu s Planom su prikupljeni, obrađeni i objavljeni sljedeći podaci: broj prijevoznih sredstava i prevezenih putnika i robe u cestovnom, željezničkom i zračnom prijevozu; broj putničkih i tonskih kilometara; broj letova; cestovna, željeznička i infrastruktura aerodroma; broj registriranih cestovnih motornih vozila po vrsti i starosti vozila i tipu pogonske energije; broj prometnih nesreća i broj poginulih i povrijeđenih osoba. Jedinice posmatranja su poslovni subjekti čija je glavna djelatnost Prijevoz i skladištenje, osim poštanske i kurirske djelatnosti. Sva statistička istraživanja provode se na bazi punog obuhvata. Od ukupno 731 izvještajnih jedinica prikupljeno je 1.732 pozitivna izvještaja.

Svi rezultati dobijeni na osnovu provođenja kvartalnih i godišnjih statističkih istraživanja objavljeni su u vidu saopćenja na web stranici Zavoda prema kalendaru

publiciranja 2024, kao i u publikaciji Mjesečni statistički pregled Federacije BiH te u Statističkom godišnjaku/ljetopisu.

5.6. Turizam

U okviru statistike turizma tokom 2024. godine provedeno je redovno mjesečno statističko istraživanje Mjesečni indikatori statistike smještaja u turizmu.

Prikupljeni su i obrađeni podaci o: smještajnim kapacitetima, broju dolazaka i noćenja domaćih i stranih turista ukupno i prema vrsti smještaja, te svrsi i načinu dolaska domaćih i stranih turista. Jedinice posmatranja su poslovni subjekti i njihove jedinice u sastavu, prema KD BiH 2010 registrirani u području I, oblast 55-Smještaj; zdravstvene ustanove u kojima osobe same snose naknadu za medicinsku rehabilitaciju, odnosno svoj boravak, te poslovni subjekti koji se bave posredovanjem u smještaju gostiju u seljačkim domaćinstvima, kućama, kampovima, apartmanima i sobama, koje neposredno iznajmljuju građani / domaćinstva.

Podaci su objavljeni u vidu saopćenja na web stranici Zavoda prema kalendaru publiciranja 2024., kao i u publikaciji Mjesečni statistički pregled Federacije BiH te u Statističkom godišnjaku/ljetopisu. Na web stranici Zavoda (Px WEB) dostupna je on-line baza podataka statistike turizma za vremensku seriju 2014. - 2023.

U 2024. godini ostvaren je rekordan broj noćenja, koji je premašio broj noćenja iz 2023. godine. Od 776 izvještajnih jedinica ukupno je prikupljena 5.281 pozitivan izvještaj i 1.810 negativna izvještaja, dok je broj neodgovora iznosio 1.952.

5.7. Nauka, tehnologija i inovacije

Statistika nauke i tehnologije

U okviru statistike nauke i tehnologije, istraživanja su realizovana i publikovana u skladu sa planiranom dinamikom. Za statistička istraživanja iz oblasti Naučnoistraživačkog rada izvještajne jedinice su subjekti koji se bave naučnoistraživačkim radom iz poslovnog sektora (obrazac IR-1, 100 izvještajnih jedinica), iz sektora visokog obrazovanja (obrazac IR-2, 80 izvještajnih jedinica) i subjekti iz državnog sektora (IR-3, 50 izvještajnih jedinica). Istraživanjima su prikupljeni podaci o broju osoba koje se bave naučnoistraživačkim radom, broju istraživačko-razvojnih radova i utrošenim sredstvima.

Za statističko istraživanje Budžetska izdvajanja za istraživanje i razvoj (BI-IR) izvještajne jedinice su ministarstva na kantonalnom i federalnom nivou i drugi organi uprave (134 izvještajne jedinice). Istraživanjem su prikupljeni podaci o budžetskim izdvajanjima za istraživanje i razvoj prema ekonomsko-socijalnim ciljevima.

Prikupljeni podaci iz oblasti statistike nauke i tehnologije su objavljeni u vidu godišnjeg saopćenja, dok je dio podataka prikazan u statističkom godišnjaku u rokovima određenim Kalendarom publikovanja.

Agenciji za statistiku Bosne i Hercegovine su, po zahtjevu, dostavljeni podaci potrebni za izradu saopćenja za nivo BiH, kao i popunjene tabele potrebne za izvještavanje prema EUROSTAT-u.

Statistika informacionih i komunikacionih tehnologija

U toku 2024. godine za ovu oblasti provedena su sljedeća statistička istraživanja:

- Poštanske i kurirske usluge, tromjesečno i godišnje
- Telekomunikacijske usluge, tromjesečno i godišnje
- Godišnje istraživanje o upotrebi informacijskih i komunikacijskih tehnologija u preduzećima (IKT-P)
- Godišnje istraživanje o upotrebi informacijskih i komunikacijskih tehnologija u domaćinstvima i pojedinačno (IKT-D)

Prva dva navedena istraživanja baziraju se na punom obuhvatu izvještajnih jedinica. Jedinice posmatranja su poslovni subjekti registrirani u djelatnosti pružanja univerzalnih poštanskih usluga i ostalih poštanskih i kurirskih usluga, kao i poslovni subjekti za obavljanje djelatnosti žičane i bežične telekomunikacije i ostalih telekomunikacijskih djelatnosti. Prikupljeni su, obrađeni i objavljeni sljedeći podaci: broj pismonosnih i paketnih pošiljki; fiksni i mobilni telefonski razgovori, širokopojasni internet pristup; broj SMS poruka; broj pretplatnika u fiksnoj i mobilnoj telefoniji, broj internet pretplatnika po vrsti pristupa, broj pošta i poštanskih prijevoznih sredstava.

U okviru IKT oblasti provedena su dva anketna istraživanja i to:

- Upotreba informacijskih i komunikacijskih tehnologija u preduzećima (IKT-P) i
- Upotreba informacijskih i komunikacijskih tehnologija u domaćinstvima i pojedinačno (IKT-D).

Periodiku, sadržaj, i dinamiku provođenja IKT istraživanja svake godine utvrđuje Eurostat. Koncepti i definicije koji se primjenjuju u istraživanju usklađeni su s EU-ovom Metodologijom za statistike o informacijskom društvu, 2024., a posebno s temeljnom Uredbom Evropskog parlamenta i Vijeća (EZ) br. 2019/2152 za IKT-P, te regulativom Evropskog parlamenta i Vijeća br. 2019/1700 o statistici Zajednice o informatičkom društvu za IKT-D.

Godišnje istraživanje o upotrebi informacijskih i komunikacijskih tehnologija u poslovnim subjektima (IKT-P) zasnovano je na uzorku. Istraživanjem su obuhvaćeni slučajnim uzorkom izabrani poslovni subjekti (pravne osobe) registrirani prema Klasifikaciji djelatnosti KD BiH 2010 u područjima djelatnosti od C do N (bez K), te području S, grana 95.1. Ukupni uzorak za 2024. godinu obuhvatio je 1.667 poslovnih subjekata. Njih 1.351 je pozitivno odgovorilo što predstavlja 81,0% od ukupnog broja poslovnih subjekata u uzorku. Prikupljeni su sljedeći podaci: postotak preduzeća koja koriste internet u svom poslovanju, karakteristike internet konekcije, korištenje društvenih medija za potrebe poslovanja, elektronska prodaja, vještačka inteligencija, te ostala pitanja vezana uz korištenje IKT-a.

Godišnje istraživanje o upotrebi informacijskih i komunikacijskih tehnologija u domaćinstvima i pojedinačno (IKT-D) provedeno je na bazi uzorka od 3.903 domaćinstva. Pozitivno je odgovorilo 2.925 domaćinstava ili 74,9%. Jedinica posmatranja je član domaćinstva starosti od 16 do 74 godine. Prikupljeni su podaci o obimu i vrsti korištene IKT tehnologije u domaćinstvima, kao i korištene IKT tehnologije prema demografskim i obrazovnim karakteristikama pojedinaca.

Svi navedeni podaci su objavljeni u skladu s Planom za 2024. godinu.

6. Okoliš i višepodručne statistike

6.1. Okoliš

Monetarni računi okoliša

Godišnjim izvještajem o troškovima zaštite okoliša (TZ-OK) za 2023. godinu obuhvaćeno je 1.000 izvještajnih jedinica. Izvještajne jedinice su poslovni subjekti - pravna lica registrovani u sljedećim područjima djelatnosti KD BiH 2010: Vađenja ruda i kamena, Prerađivačka industrija, Proizvodnja i snabdijevanje/opskrba električnom energijom, plinom, parom i klimatizacijom i snabdijevanje vodom, uklanjanje otpadnih voda, upravljanje otpadom te djelatnosti sanacije okoliša.

Ovim istraživanjem prikupljeni su podaci o investicijama (na kraju i u toku proizvodnog procesa), tekućim troškovima (internim i eksternim), te o prihodima iz djelatnosti vezanih sa zaštitom okoliša.

Statistika otpada

U okviru statistike otpada i opasnih materija su realizovana četiri istraživanja. Podaci su prikupljeni, obrađeni i publikovani u skladu sa Planom. U toku 2024. godine provedena su sljedeća statistička istraživanja:

- Godišnjim izvještajem o otpadu odloženom na deponije (KOM-6aD) prikupljeni su podaci od 79 izvještajnih jedinica, pravnih lica koji upravljaju komunalnim odlagalištem otpada. Istraživanjem su dobiveni podaci o godišnjim količinama otpada odloženog na deponije.
- Godišnjim izvještajem o prikupljenom komunalnom otpadu (KOM-6aS) prikupljeni su podaci od 79 izvještajnih jedinica kojima je općina dodijelila pravo na prikupljanje otpada, bez obzira na to da li su oni samo sakupljači otpada ili u isto vrijeme upravljaju odlagalištem otpada (deponijom). Istraživanjem su dobiveni podaci o godišnjim količinama prikupljenog komunalnog otpada prema vrsti otpada.
- Godišnjim izvještajem o preradi/odstranjivanju otpada (OTP-P) podaci su prikupljeni i obrađeni od 79 izvještajnih jedinica o količinama prikupljenog/preuzetog otpada od drugih, kao i način upravljanja tim otpadom.

Statistika voda

U toku 2024. godine u okviru Statistike voda provedena su sljedeća statistička istraživanja:

- Godišnji izvještaj o javnom vodovodu (VOD-2V) - prikupljeni su podaci od 74 izvještajne jedinice - pravnih lica registrovanih prema KD BiH 2010 u sljedećim područjima djelatnosti: Snabdijevanje vodom; uklanjanje otpadnih voda, upravljanje otpadom, te djelatnosti sanacije okoliša. Istraživanjem su dobijeni podaci o zahvaćenim količinama vode, prema porijeklu i stanju vodovodne mreže.
- Godišnji izvještaj o javnoj kanalizaciji/odvodnji (VOD-2K) - prikupljeni su godišnji podaci od 74 izvještajne jedinice - pravnih lica koja su registrovana u području djelatnosti KD BiH 2010 Snabdijevanje vodom; uklanjanje otpadnih voda, upravljanje otpadom te djelatnosti sanacije okoliša. Ovim istraživanjem dobijeni su podaci o količinama otpadnih voda i stanju kanalizacione mreže.
- Godišnji izvještaj o korištenju voda i zaštiti voda od zagađivanja (VOD-1) - prikupljeni su podaci od 1.104 izvještajne jedinice, tj. poslovna subjekta sa 10 i više zaposlenih, registrovanih u sljedećim područjima djelatnosti KD BiH 2010: Vađenja ruda i kamena, Prerađivačka industrija i Proizvodnja i snabdijevanje/opskrba električnom energijom, plinom, parom i klimatizacijom. Ovim istraživanjem dobijeni su podaci o snabdijevanju, korištenju, ispuštanju i tretiranju otpadnih voda.

Podaci su publikovani u skladu sa rokovima utvrđenim Kalendarom publikovanja.

Statistika okoliša je u 2024. godini bila uključena u IPA 2020 MBP projekat kroz 3 komponente (ekonomski računi okoliša, statistika voda i statistika otpada).

Također, komponenta "statistika okoliša i računi okoliša" bila je uključena u 2024. godini u Projekat za povećanje korištenje administrativnih izvora podataka za proizvodnju zvanične statistike (EU4ADMIN).

6.2. Regionalne i geoprostorne statističke informacije

U cilju unaprjeđenja Registra prostornih jedinica (u daljem tekstu: RPJ), održavanja i unaprjeđenja geografsko-informacionog sistema (u daljem tekstu: GIS-a) RPJ, u toku 2024. godine provedene su sljedeće aktivnosti:

Kontinuiran rad (kontrola, analiza) na aktivnosti na realizaciji projekta „Vektorizacija i ažuriranje granica prostornih jedinica, formiranje i ažuriranje evidencije ulica i kućnih brojeva, ažuriranje BP (baze podataka registara prostornih jedinica), priprema za štampu skica statističkih i popisnih krugova i izrada i priprema za štampu preglednih karata. Dostavljanje komentara, korekcija izvođaču radova. Redovno informisanje direktora Zavoda.

Isto tako provedene su aktivnosti ažuriranja podataka baze RPJ Zavoda. Svi podaci se zapisuju u jednom od prihvatljivih GIS formata koji omogućava razmjenu ili unos u različite softverske platforme. Uvodi se GML kao zvanični format za razmjenu podataka registra prostornih jedinica, a koji treba biti usklađen sa Modelom podataka

katastra nekretnina Federalne uprave za geodetske i imovinsko - pravne poslove (u daljem tekstu: FGU). Ovim aktivnostima ažurirani su se podaci o Federaciji, kantonima, jedinicama lokalne samouprave (u daljem tekstu: JLS) i naseljenim mjestima za područje Federacija Bosne i Hercegovine. Aktivnosti ažuriranja RPJ su usmjerene i na unapređenje i poboljšanje podataka, što u konačnici doprinosi i poboljšanju kvaliteta usluga koje se pružaju krajnjim korisnicima.

U cilju ažuriranja podataka RPJ 2024. godine poslani su dopisi prema 79 JLS u kojem su se tražili podatci o nazivima i granicama naseljenih mjesta i mjesnih zajednica. Od 79 JLS odgovor dostavilo – 42 JLS , a 37 JLS nisu odgovorile. Za 37 JLS koje nisu dostavile odgovore poslano su urgencije.

Ukupno 79 JLS koje su dostavile odgovore:

- Dostavili odgovore – 60 JLS
- Nisu dostavili odgovore – 19 JLS

U 2024. godini FGU dostavila spisak od ukupno 58 JLS koji imaju uspostavljen adresni registar (u daljem tekstu: AR) ili je u toku izrade. Za 58 JLS Zavod je poslao dopis kojim je tražio od JLS da daju suglasnost o ustupanju podataka AR putem web servisa od strane FGU.

Krajem 2024. godine Zavod je dobio od:

- 31 JLS saglasnost za korištenje AR preko servisa FGU
- 27 JLS nisu dostavili odgovor/nisu saglasni

Čeka se FGU da omogući pristup Zavoda i ovom servisu FGU. U 2025. godini nastaviti će se rad na ovim aktivnostima.

U 2024. godine se radilo se i na ažuriranju podataka Modela podataka, Registra subjekata i Izvora podataka u aplikaciji Infrastruktura prostornih podataka (u daljnjem tekstu: IPP) F BiH. Ažurirani su podaci za oblasti Demografiju, SPS, RPJ, SPR.

U okviru projekta pripreme za Popis poljoprivrede u BiH predstavnici Odsjeka u okviru radne grupe za GIS učestvovali u okviru svojih nadležnosti na: upitniku, metodologiji, svim drugim dokumentima dostavljenim od strane koordinatora na projektu kao i učestvovanje na sastancima i misijama na koje su bili pozvani.

Ostali poslovi koji su urađeni (dio):

- Pripremljeni su i objavljeni podaci – dio Teritorijalni ustroj za Godišnjak I web Zavoda. Podaci su publikovani u skladu sa rokom utvrđenim Kalendarom publikovanja
- Na vrijeme su urađeni svi zahtjevi za potrebe Zavoda i vanjskih korisnika.

Zavod i FGU potpisali ugovor o pristupu podacima baze podataka katastra nekretnina Federacije BiH kroz računarsku mrežu za potrebe Zavoda. Odsjek za GIS i RPJ je od mjeseca juna 2022. godine počeo da preuzima podatke od FGU putem web servisa, a sve u cilju ažuriranja podataka RPJ i redovno se koriste.

7. Metodologija prikupljanja, obrade, analize i diseminacije podataka

7.1. Statističke metode i koordinacija

Za istraživanja predviđena Planom statističkih istraživanja za 2024. godinu, a koja se provode na bazi uzorka radilo se na: pripremi okvira i koordinaciji uzoraka, uzorkovanju, analizi i obradi podataka, statističkim procjenama, kalibraciji i analizama rezultata. U okviru mjerenja kvaliteta statističkih podataka i procesa, računati su sljedeći pokazatelji: stope odgovora, koeficijent varijacije, standardne greške i intervali povjerenja. Ovim aktivnostima obuhvaćeno je 16 statističkih istraživanja. Također, nastavljeno je kontinuirano učešće u svim aktivnostima vezanim za pripremu Popisa poljoprivrede.

U okviru rada na programima i izvještajima, a u skladu sa Zakonom o statistici u Federaciji BiH, urađeni su:

- Izvještaj o izvršenju plana statističkih istraživanja od interesa za Federaciju BiH za 2023. godinu;
- Prijedlog Plana provođenja statističkih istraživanja od interesa za Federaciju BiH za 2025. godinu;
- Prijedlog Programa provođenja statističkih istraživanja od interesa za Federaciju BiH za period 2025-2028.

U skladu sa Uredbom o trogodišnjem i godišnjem planiranju rada, monitoring i izvještavanju u Federaciji FBiH urađeni su:

- Izvještaj o radu Federalnog zavoda za statistiku za 2023. godinu;
- Godišnji plan rada Federalnog zavoda za statistiku za 2025. godinu;
- Trogodišnji Plan rada Federalnog zavoda za statistiku za period 2025-2027;

Na osnovu internih akata, urađeni su:

- Detaljni izvještaj o radu za 2023. godinu;
- Faze rada statističkih istraživanja sa rokovima - Plan aktivnosti, rokovi statističkih istraživanja i pripreme za 2024. godinu.
- Kvartalni izvještaji o radu.

Tokom 2024. godine, nastavljen je rad na implementaciji sistema upravljanja kvalitetom unutar Zavoda. Sprovedene su aktivnosti vezane uz ažuriranje SIMS obrazaca, koji služe za precizno opisivanje statističkih proizvoda, čime je osigurana kontinuirana usklađenost sa standardima kvaliteta. Takođe, u okviru aktivnosti na unapređenju statističkih procesa, izvršeno je analiziranje samoprocjene kvaliteta statističkih procesa, tj podataka dobijenih putem "Upitnika za samoocjenu kvaliteta statističkih procesa Zavoda". Rezultati ove samoprocjene će se u budućnosti koristiti za identifikovanje novih mogućnosti za dalji razvoj i unapređenje. U okviru aktivnosti na upravljanju rizikom u statistici, proizvedena je i draft verzija dokumenta koji postavlja temelje za razvoj i implementaciju okvira za upravljanje statističkim rizicima.

7.2. Razvoj aplikacija za unos podataka

U toku 2024. godine, pripremljene su aplikacije za unos podataka za istraživačke odsjeke.

Pružena je informatička podrška za kontinuiranu Anketu o radnoj snazi (ARS), Anketu o prihodima i uslovima života u BiH (SILC), Anketu o potrošnji energije u domaćinstvima (APED), Anketu o poslovnim i privatnim putovanjima (APPP), kao i za sve aktivnosti vezane za saradnju sa Agencijom za statistiku BiH i dostavu podataka.

Za oblast poslovnih statistika, razvijene su tri nove aplikacije za unos podataka za istraživanja Ekonomski računi u šumarstvu (ŠUM-ER) i Istraživanje o lovstvu (LOV-11), kao i Web aplikacija za unos podataka za istraživanje Mjesečni izvještaj trgovine na malo (M KPS TRG 01).

Aplikacije kvartalnih statistika prilagođene su u mjesečna praćenja (Mjesečni izvještaj distributivne trgovine (M KPS TRG 02), Mjesečni izvještaj u prijevozu i skladištenju (M KPS TRANS 01), Mjesečni izvještaj ostalih uslužnih djelatnosti (M KPS USL 01).

Za potrebe ekonomskih statistika, prelaskom na preuzimanje administrativnih podataka od Finansijsko-informatičke agencije (FIA), razvijena je nova aplikacija za kontrole, te pružena podrška za tabeliranje i analize podataka za Statistiku nacionalnih računa. Preuzimanjem administrativnih podataka Uprave za indirektno oporezivanje (UIO), radilo se na pripremi podataka za analizu za statistička istraživanja.

Prema zahtjevima istraživačkih odjeljenja, rađene su korekcije i održavanje postojećih aplikacija, pružena je informatička podrška kod obrade, tabeliranja i analize podataka. Odsjek je radio kontinuirano i na rješavanju zahtjeva za potrebe vanjskih korisnika.

7.3. Razvoj baza podataka, podrška diseminaciji i unos podataka

Tokom 2024. godine vršena je kontinuirana administracija servera i unapređivanje baza podataka statističkih istraživanja, te pružanje tehničke podrške svim uposlenicima Zavoda, a posebno pri kreiranju i održavanju baza podataka za aplikacije koje su razvijane u svrhu provođenja statističkih istraživanja, definisanih Planom provođenja statističkih istraživanja od interesa za FBiH.

Tokom 2022. godine provodio se Probni popis poljoprivrede, te su uposlenici Odsjeka izvršili kreiranje baze podataka u saradnji sa Agencijom za statistiku BiH i u istu su insertirani podaci koji su prikupljeni u toku terenskog rada putem Computer-Assisted Personal Interviews (CAPI) metode. Nakon što je kreirana baza probnog popisa zajedno u 2023. i 2024. godini sa uposlenicima Odsjeka za poljoprivredu vršena je analiza podataka u cilju pripremnih aktivnosti za provođenje nadolazećeg Popisa poljoprivrede.

Na osnovu različitih zahtjeva koji su pristizali u Odsjek za razvoj baza podataka, podrška diseminaciji i unos podataka, Zavod je generisao izvještaje/podatke iz baza podataka statističkih istraživanja, diseminacione baze podataka Popisa stanovništva 2013. godine, što je predstavljalo jedan kontinuiran rad tokom čitave godine, a zavisno od pristizanja zahtjeva.

Uposlenici odsjeka su aktivno učestvovali u realizaciji Godišnje ankete o farmama i istraživanju o migracijama stanovništva, kao IT podrška pri editovanju i objavi rezultata.

Tokom godine kontinuirano je se radilo arhiviranju starijih serija statističkih podataka na arhivski server.

7.4. Održavanje i razvoj IT sistema

U sklopu Odsjeka za informacioni sistem i tehničku podršku tokom 2024. godine kontinuirano se radilo na unapređenju IKT infrastrukture, kako u centrali Zavoda, tako i u kantonalnim službama.

Svi korisnički zahtjevi pristigli putem ticket-ing sistema su u potpunosti realizirani, te je pružena podrška anketarima za istraživanja koja su se provodila putem informaciono komunikacionih tehnologija.

U 2024. godine je nastavljeno pružanje usluge koja omogućivanja uposlenicima Zavoda rad sa udaljenih lokacija u situacijama u kojima je to bilo potrebno kako bi se poslovni zadaci blagovremeno izvršavali, a koja mora osiguravati siguran pristup resursima.

Kontinuirano se u toku godine vršilo praćenje licenci, te po potrebi vršeno instaliranje ili ažuriranje. Nastavljeno je ažuriranje dokumentacije za održavanje i razvoj IT sistema na Sistemu za upravljenje dokumentima, baziran na Microsoft SharePoint tehnologiji.

Aktivnosti na novim serverima na kojima je migrirana vmware platforma za virtualizaciju serverskih kapaciteta urađen upgrade značajan broj postojećih operativnih sistema na novije verzije, što se kontinuirano i radi te se time osigurala dodatna pouzananost informacionog sistema u cjelini.

Izvršeno je prebacivanje mrežnih konekcija na dodatni core switch i dodatno je izrađena dokumentacija računarske mreža u dijelu konekcija od i prema switch-evima (u vidu description-a na switchevima) što dodatno olakšava nove intervencije na računarskoj mreži. Dokumentovanje je izvršeno na način da su u konfiguracijskim file-ovima switch-eva uneseni opisi konekcije koja uključuje povezanost porta sa uređajem ili utičnicom kao i pripadnost vlan-u.

Izvršena je zamjena i servisiranje računara sa starim dotrajalim, te je na istim instaliran kompletan neophodan softver za prikupljanje i obradu statističkih podataka. Na odredjenom broju računara izvršena je zamjena starih diskova sa novim SSD kao i prebacivanje podataka što je značajno unaprijedilo njihovu brzinu.

Kontinuirano se pratio i unapređivao rad postojećih serverskih kapaciteta u smislu kontrole i ažuriranja sigurnosnih zakrpi. Aktivnosti na Checkpoint vatrozidu su se kontinuirano vršile u smislu ažuriranja sigurnosnih pravila, te se vršila kontrola backup Sistema te provjera kopija na storage.

Osim zadataka unutar zgrade Zavoda pružena je kompletna tehnička podrška terenskim odjeljenjima koja imaju sjedišta u glavnim gradovima kantona.

7.5. Publicistika i diseminacija

U izvještajnom periodu objavljene su sve publikacije predviđene Planom statističkih istraživanja (Poglavlje VII) i Kalendarom publikovanja za 2024. godinu sa ciljem pravovremenog informiranja domaćih i međunarodnih korisnika statističkih informacija. Sva statistička izdanja su pripremljena i objavljena na web stranici Zavoda. Paralelno s tim je vršena i štampa statističkih publikacija i distribucija korisnicima elektronskom poštom ili dostavom na adresu. Ukupno je pripremljeno i distribuirano korisnicima

1.525 štampanih publikacija (mjesečnih, tematskih, godišnjih i višegodišnjih) i 357 saopćenja preko raznih kanala diseminacije, a prema ažurnoj listi korisnika. Pored publikacija i saopćenja pripremljeno je i objavljeno na web stranici 21 izvještaja o kvalitetu. Web stranica Zavoda se konstantno ažurira i dopunjuje podacima prema kalendaru publiciranja kao i informacijama o aktivnostima koje provodi Zavod.

Prvi put je Urađen portal indikatora Ciljeva održivog razvoja za Federaciju BiH i objavljena publikacija „Indikatori održivog razvoja Federacije BiH, 2024“. Indikatori navedeni u ovoj publikaciji treba da posluže kao osnova za analizu, kreiranje i sprovođenje politika usmjerenih ka rješavanju izazova kao što su kvalitet života i blagostanje, zdravlje, obrazovanje, klimatske promjene, rodna ravnopravnost, efikasne i odgovorne institucije i dr. U publikaciji su prikazani indikatori koji su rezultat redovnih statističkih istraživanja Federalnog zavoda za statistiku, kao i podaci koji su prikupljeni od drugih institucija.

Diseminacione baze podataka su u PC-Axis softwer-u na web stranici Zavoda. Podaci u diseminacionim bazama su iz statističkih istraživanja industrije, zaposlenosti i plaća, cijena, građevinarstva, obrazovanja, poljoprivrede i šumarstva, prijevoza, registra poslovnih subjekata, stanovništva, pravosuđa, energetike, Ankete o radnoj snazi, nacionalnih zdravstvenih računa, socijalne zaštite, turizma, spoljnotrgovinske razmjene, Ankete o potrošnji domaćinstava, bruto domaćeg proizvoda, Essprosa, investicija te istraživanja i razvoja. Podaci u diseminacionim bazama u zavisnosti od vrste istraživanja obuhvataju period od 2010.-2024. godine. Ažuriraju se prema dinamici obrade podataka pojedinih istraživanja. Pored ovih podataka u diseminacionim bazama su i podaci Popisa stanovništva, domaćinstava i stanova 2013.

U štampariji Zavoda u izvještajnom periodu izvršene su sve aktivnosti predviđene Planom. Odštampane su sve statističke publikacije te kompletan instrumentarij za statistička istraživanja. Izvršeno je šivanje korica za sve publikacija koje je izdao Zavod. Pored navedenog rađeno je fotokopiranje, printanje i uvezivanje štampanog materijala. Statistički godišnjak, kao sveobuhvatna statistička publikacija, urađen je, odštampan u štampariji Zavoda i publikovan u decembru 2024. godine u čvrstoj i elektronskoj formi.

7.6. Odnosi sa javnošću i biblioteka

U cilju sagledavanja potreba korisnika, kao i njihovog zadovoljstva sa kvalitetom statističkih podataka i usluga vršena je kontinuirana saradnja sa korisnicima. Imajući u vidu da se potrebe korisnika mijenjaju tokom vremena, povratne informacije korisnika predstavljaju značajan pokazatelj za dalji razvoj statistike.

Redovno se provodi istraživanje o zadovoljstvu korisnika sa kvalitetom proizvoda i usluga koje pruža Zavod. Istraživanje se provodi u dvogodišnjoj dinamici, posljednje istraživanje je provedeno u 2023. godini. Na osnovu rezultata Istraživanja preduzimane se određene radnje u cilju proizvodnje statistike u skladu sa potrebama korisnika, obezbjeđenje bolje dostupnosti i razumljivosti statističkih podataka, te dostava traženih podatke u što kraćem roku u skladu sa načelima Kodeksa prakse evropske statistike (KOP).

U 2024. godini zaprimljen je 801 korisnički zahtjev (putem e-maila, korisničkog zahtjeva na web stranici, faks i pošte). Na sve korisničke zahtjeve je odgovoreno u zakonski propisanom roku. Također, imamo svakodnevno zahtjeve koji se primaju i odrađuju putem telefona za koje se ne vodi evidencija. Traženi podaci i informacije dostavljeni su za 773 zahtjeva ili 96,5%, dok na 28 zahtjeva ili 3,5% od ukupnog broja zahtjeva nije bilo moguće dostaviti tražene podatke.

Broj zahtjeva za koje Zavod nije bio u mogućnosti dostaviti tražene podatke i informacije je 28 i to: 22 zahtjeva gdje su traženi podaci kojima Federalni zavod za statistiku ne raspolaže, niti je u Programu i Planu provođenja statističkih istraživanja od interesa za Federaciju BiH predviđeno prikupljanje ove vrste podataka i 6 zahtjeva gdje su traženi individualni podaci izvještajnih jedinica. Upotreba, povjerljivost i zaštita individualnih podataka regulisana je članom 36 – 42. Zakona o statistici u Federaciji BiH ("Službene novine Federacije BiH" br.63/03 i 9/09).

Podaci su najviše traženi iz oblasti: cijena (229 zahtjeva ili 28,8%), zaposlenost, plaće i nezaposlenost (224 zahtjeva ili 28,2%), demografija (116 zahtjeva ili 14,5%), zatim slijede obrazovanje, registar, vanjska trgovina, turizam, poljoprivreda, građevinarstvo, bruto domaći proizvod, investicije, industrija, saobraćaj i dr. Redovno se vodi knjiga zahtjeva korisnika (vrsta korisnika složenost zahtjeva, vrijeme obrade, te način odgovora na zahtjev. Najbrojniji korisnici podataka su: privredni subjekti - firme (277 zahtjeva ili 34,8%) organi javne uprave i lokalne samouprave (247 zahtjeva ili 31,0%), privatnici (96 zahtjeva ili 12,6%), ostali (49 zahtjeva ili 6,2%), studenti i đaci (38 zahtjeva ili 4,8%), analitičari (37 zahtjeva ili 4,7%), zatim slijede mediji (34 zahtjev ili 4,3%) i dr.

Kontinuirano se vrši klasifikacija i katalogizacija bibliotečkih publikacija, razvrstavanje i evidencija, kao i unos u Metelwin program, upotpunjavanje podataka u Inventarne knjige i njihova provjera, organizacija bibliotečke građe.

Biblioteka Zavoda je poluotvorenog tipa i u toku godine korisnici su uz pomoć uposlenih koristili postojeću bibliotečku građu. Vršeni su prevozi raznih materijala (izvještaja, dopisa i drugih dokumenata) dobivenih od međunarodnih institucija i lektorisana su pojedina statistička izdanja Zavoda.

Redovno se prate rokovi za odbore, pododbore i druge projekte. Također, prate se izvještaji medija vezano za statističke podatke i dostavljaju u elektronskom obliku svim zainteresiranim unutar Zavoda.

7.7. Aktivnosti koje su imale međunarodnu podršku

Razvoj statistike u skladu sa EU i drugim međunarodnim standardima, poboljšanje kvaliteta statističkih podataka, kao i povećanje korištenja administrativnih izvora podataka u cilju smanjenja opterećenja izvještajnih jedinica su osnovni ciljevi rada Zavoda. Izvršavanje ovih kao i drugih ciljeva je u velikoj mjeri ostvareno kroz realizaciju EU projekata (nacionalnih i višekorisničkih/regionalnih) pomoći za razvoj statističkog sistema.

Federalni zavod za statistiku je u saradnji sa ostalim statističkim institucijama u Bosni i Hercegovini u 2024. godini učestvovao u pripremi projektne dokumentacije i implementaciji sljedećih nacionalnih i višekorisničkih projekata.

Nastavak implementacije **IPA 2019 nacionalni projekat EU** – Dalja podrška jačanju statistike u Bosni i Hercegovini. Cilj projekta je povećanje obima i kvaliteta statističkih podataka i njihove usklađenosti sa EU standardima. Planirani period implementacije projekta je 15.01.2024 – 15.01.2026. godine. Projekat obuhvata sljedeće oblasti: poslovne statistike, statistiku turizma, statistiku informacionog društva, statistiku o dohotku i životnim uslovima, statistički poslovni registar i statistiku tržišta rada.

U okviru nacionalnog projekta **IPA 2019** Delagacija Evropske unija u BiH je potpisala ugovor: „Podrška za popis poljoprivrede u Bosni i Hercegovini“ Cilj projekta je podrška statističkim institucijama u BiH u realizaciji popisa poljoprivrede koji se prevashodno odnosi na stručnu pomoć u poboljšanju statistike poljoprivrede. Za realizaciju ovog projekta formirane su radne grupe za: metodologiju i uzorak, geografski informacioni sistem GIS), finansije, pravna pitanja i logistiku, IT, diseminaciju i medijsku kampanju, kao i kordinator projekta. Period realizacije projekta 24 mjeseca (28.08.2023.-28.08.2025). Realizacijom ovog projekta obezbjedit će se prikupljanje, obrada i publikovanje tačnih i pouzdanih poljoprivrednih podataka neophodnih za budući razvoj zemlje.

Projekat za povećanje korištenje administrativnih izvora podataka za proizvodnju zvanične statistike (EU4ADMIN) – IPA 2019

U toku je implementacija projekta za povećanje korištenje administrativnih izvora podataka za proizvodnju zvanične statistike (EU4ADMIN) koji ima za cilj povećanje korištenja administrativnih izvora podataka u proizvodnji zvanične statistike BiH. Period implementacije projekta je prvobitno predviđen za 18.09.2023. – 17.09.2025. godine, ali je zbog kratkotrajnog zastoja, okončanje projektnih aktivnosti predviđeno 17. marta 2026. godine.

Dva su specifična cilja ovog projekta i to:

- Uspostavljanje ili poboljšanje saradnje sa odabranim vlasnicima administrativnih izvora podataka na svim nivoima vlasti i
- Povećanje svijesti među vlasnicima podataka o važnosti korištenja administrativnih izvora podataka u redovnoj proizvodnji zvanične statistike u Bosni i Hercegovini.

Svaki od ova dva specifična cilja projekta sadrži popis zadataka koje je potrebno realizirati u cilju poboljšanja obuhvata i kvaliteta podataka zvanične statistike, kao i smanjenja opterećenja korisnika (izvještajnih jedinica).

Kroz projekat su obuhvaćene sljedeće statističke domene: statistika kriminaliteta, kratkoročne statistike – industrija, kratkoročne statistike - trgovina i druge usluge, SILC, statistika turizma, statistika okoliša i računa u okolišu, statistika transporta, statistika tržišta rada, nacionalni računi i biznis registar, demografija kao i podizanje svijesti o važnosti korištenja administrativnih izvora podataka.

U okviru svih statističkih domena održana je minimalno jedna misija, te su održani sastanci sa predstavnicima administrativnih izvora podataka (Porezna uprava

Federacije BiH, Visokog sudskog i tužilačkog vijeća, Službe za poslove sa strancima, Federalnog ministarstva okoliša i turizma, te Ministarstva pravde BiH) na kojima su analizirani postojeći podaci koji se prikupljaju od strane administrativnih izvora, te razmatrani potencijalni načini preuzimanje potrebnih podataka.

U toku je implementacija **IPA 2022 regionalnog (višekorisnički program pomoći)**. Komponente ovog projekta su: nacionalni računi, harmonizirani indeks potrošačkih cijena, poslovni registar, anketa o radnoj snazi, anketa o prihodima i uslovima života, socijalna zaštita, indeks radne snage, kratkoročne poslovne statistike, statistika transporta, statistika okoliša, otpada, voda, komunikacije i održivi razvoj i komponenta za CB BiH. Period implementacije projekta 01.01.2024 – 31.12.2027. godine. Podaci trebaju biti ažurirani i usklađeni sa EU zahtjevima kao osnova za nacionalne i EU donosiocje odluka u usporedbi sa ostalim zemljama.

Također, nastavljen je proces planiranja budućih projekata koji će se finansirati iz IPA III fonda. Pokrenut je proces programiranja IPA III (period 2025-2027), a koji u pravilu zajednički implementiraju sve tri statističke institucije.

8. Finansijsko računovodstvena i pravna podrška

8.1. Pravni, kadrovski i opći poslovi

Odsjek za pravne, kadrovske opće poslove je u 2024. godini sve planirane poslove i zadatke obavio u propisanim rokovima, utvrđenim u zakonskim i podzakonskim aktima. U Odsjeku su se obavljale i sljedeće redovne aktivnosti:

- Izrada općih akata, odluka i ugovora vezanih za djelatnost Zavoda,
- Izrada Plana korištenja godišnjih odmora,
- Vođenje zapisnika i zaključaka stručnog kolegija,
- Vođenje personalne evidencije zaposlenih, izdavanje uvjerenja o podacima iz te evidencije,
- Organizacija i tehnička podrška postupaka javnih nabavki i unos podataka na portal Agencije za javne nabavke,
- Izrada plana javnih nabavki u skladu sa odobrenim budžetom i planiranom dinamikom, kao i izmjena plana javnih nabavki,
- Izrada izvještaja o realizaciji ugovora,
- Izrada rješenja iz radnih odnosa (zasnivanje radnog odnosa, raspoređivanje radnika, plaćena i neplaćena odsutva, godišnji odmor, ocjena o radu),
- Izrada odluka i odobrenja,
- Prijave i odjave osiguranika na penzijsko i zdravstveno osiguranje,
- Uspostavljanje i vođenje službenih dosijea radnika i vođenje mjesečne i dnevne evidencije o prisutnosti radnika na poslu i
- Organizovanje i nadzor nad radovima u Zavodu,
- Izrada dopisa, prijedloga Odluka i Zaključaka za planove i izvještaje i drugih dokumenata po potrebi koji se upućuju Vladi Federacije Bosne i Hercegovine i drugim institucijama

U toku izvještajnog perioda vršeno je zastupanje Zavoda pred Općinskim sudovima u tužbenim zahtjevima iz oblasti prekršajnih postupaka protiv izvještajnih jedinica, radi kršenja članova 29. i 31. Zakona o statistici u Federaciji. U odnosu na prethodne godine, u 2024. godini je zabilježen manji broj ročišta, glavnih rasprava i presuda. Odsjek je učestvovao u pripremi zahtjeva za davanje mišljenja za Odluke o namjenskom trošenju doniranih sredstava, kao i ostalih akata koji su upućeni Vladi Federacije BiH na usvajanje. Kontinuirano je pružana stručna pomoć u vezi primjene pravnih propisa. Vršena je saradnja sa Agencijom za državnu službu vezano za prijedlog plana i programa efikasnog organizacionog i kadrovskog razvoja. Odsjek za pravne, kadrovske i opće poslove učestvovao u realizaciji projekta Federalnog ministarstva prostornog uređenja "Izvođenje građevinskih radova na implementacije energetske efikasnosti (EE)".

8.2. Finansijsko - računovodstveni poslovi

Odsjek za finansijsko-računovodstvene poslove je u 2024. godini sve planirane poslove i zadatke obavio u propisanim rokovima, utvrđenim u zakonskim i podzakonskim aktima i Uputstvima Federalnog ministarstva finansija. U okviru aktivnosti vezanih za planiranje budžeta, a u skladu sa budžetskim kalendarom urađeni su sljedeći planovi:

- Pregled prioriteta kao preliminarri nacrt budžeta za potrebe izrade DOB-a za period 2025.-2027. godine,
- Budžetski zahtjev za period 2025.-2027. godina,
- Godišni operativni plan budžeta za 2024. godinu,
- Tromjesečni operativni planovi budžeta i
- Mjesečni operativni planovi budžeta.

U 2024. godini je izvršena jedna preraspodjele odobrenog budžeta u skladu sa zakonskim propisima, a na osnovu Odluke Vlade urađene su tri externe prepraspodjele sa projekta Popis poljoprivrede.

U okviru aktivnosti koje se odnose na obavezno izvještavanje urađeni su godišnji, kvartalni i interni izvještaji o rashodima i izdacima iz budžetskih i doniranih sredstava.

U Odsjeku su se obavljale i sljedeće redovne aktivnosti:

- Poslovi vezani za pripremu obračuna plaća, naknada plaća i odbitaka od plaće uposlenih;
- Vođenje knjigovodstvene evidencije stalnih sredstava i sitnog inventara;
- Obračun i knjiženje amortizacije i rashoda;
- Obračun revalorizacije stalnih sredstava (usklađivanje glavne knjige sa pomoćnom knjigom);
- Vođenje blagajničkog dnevnika i pravdanje utroška gotovinskih sredstava;
- Plaćanje obaveza dobavljačima i fizičkim licima i kontrola plaćanja;
- Kontinuirano praćenje i kontrola izvršenja budžeta;
- Evidencije o stvorenim i izmirenim obavezama;
- Evidencije o potraživanjima Zavoda;
- Izrada pomoćnih knjiga i unos zahtjeva za plaćanje u trezorsku aplikaciju;

- Priprema knjigovodstvenih podataka za komisiju za popis stalnih sredstava, sitnog inventara, novčanih sredstava, obaveza, potraživanja i kratkoročnih razgraničenja;
- Dostava izvoda otvorenih stavki dobavljačima za dugovanja i potraživanja Zavoda;
- Kontinuirano kniženje svih poslovnih promjena i kontrola Glavne knjige;
- Izrada i unos specifikacija i drugih obrazaca u aplikaciju Porezne uprave Federacije BiH i Republike Srpske;
- Vođenje evidencije, obračun i priprema za plaćanje po osnovu pravosnažnih sudskih presuda;
- Priprema Odluka za Vladu Federacije BiH sa obrazloženjima za namjensku raspodjelu doniranih sredstava;
- Dostava periodičnih i godišnjih izvještaja o izvršenju budžeta ;
- Usklađivanje Pomoćne knjige osnovnih sredstava i Glavne knjige;

Ured za reviziju institucija u Federaciji Bosne i Hercegovine u mjesecu maju 2024. godine izvršio je konačnu reviziju za 2023. godinu.

8.3. Poslovi pisarnice

Poslovi u pisarnici Zavoda u 2024. godini izvršeni su u skladu sa zakonskim i podzakonskim aktima o kancelarijskom i arhivskom poslovanju u organima uprave u Federaciji BiH. Svakodnevno su preuzimane poštanske pošiljke sa Glavne pošte, vršeno otvaranje istih, signiranje i stavljanje u rad organizacionim jedinicama. Redovno su vođene osnovne i pomoćne knjige evidencije (Djelovodnik predmeta i akata, interne dostavne knjige, arhivske knjige i dr.), redovno preuzimanje registraturne građe, sređivanje, arhiviranje i izdavanje građe po potrebi. Izvršen je godišnji popis bezvrijedne registraturne građe u skladu sa Listom kategorija registraturne građe sa rokovima čuvanja.

9. Kantonalne službe

Kantonalne službe su u okviru svoje nadležnosti prikupljale, unosile i kontrolisale podatke prikupljene putem mjesečnih, kvartalnih i godišnjih istraživanja. Svi planirani poslovi su blagovremeno realizovani. Ukupan broj prikupljenih i kontrolisanih pojedinačnih statističkih izvještaja je oko 322.600 na godišnjem nivou.

U svih 10 Kantonalnih službi, u saradnji sa Federalnom poreskom upravom, uspješno se vodila dnevna ažurnost administrativnog registra poslovnih subjekata. Kroz tu aktivnost vršeno je razvrstavanje poslovnih subjekata prema djelatnostima i blagovremeno izdavanje Obavještenja o razvrstavanju.

10. Uslovi koji su uticali na realizaciju statističkih aktivnosti

10.1. Organizaciona struktura

Nakon što je Vlada Federacije Bosne i Hercegovine dala saglasnost na novi Pravilnik o unutrašnjoj organizaciji Federalnog zavoda za statistiku, svojim aktom: V. broj: 1085/2018 od 06.09.2018. godine, navedeni Pravilnik je usvojen je dana 19.09.2018. godine. Pravilnikom je sistematizirano 259 radnih mjesta, od čega 10 rukovodećih državnih službenika, 182 državna službenika, 65 namještenika i 2 savjetnika direktora. Popunjenost radnih mjesta utvrđenih sistematizacijom, procentualno iznosi 61 %. Na dan 31.12.2024. godine u Zavodu su bila zaposlena 159 zaposlenika.

10.2. Problemi sa nedostatkom kadrova

Problem nedovoljnog broja zaposlenika ostao je prisutan i tokom izvještajnog perioda. Kadrovska nepopunjenost Zavoda predstavlja vrlo ozbiljan problem koji je pogotovo izražen kod prijema novih uposlenika, jer je potreban izvjestan period za obuku i osposobljavanje primljenog kadra na određena radna mjesta. Ovaj problem se ističe iz razloga što je većina istraživanja vezana rokom njihove objave, pa je potrebno uzeti u obzir i okolnosti kadrovskog popunjavanja i osposobljavanja istih za rad.

Kadrovska nepopunjenost može imati negativne posljedice na izvršenje obaveza Zavoda, a posebno kada se u obzir uzme povećan obim poslova i planiranih aktivnosti vezano za:

- uvođenje novih i redizajn postojećih statističkih istraživanja i klasifikacija, što ima za cilj harmonizaciju BiH statistike s EU statističkim standardima;
- mnogobrojne statističke aktivnosti i obaveze predviđene u okviru IPA i drugih međunarodnih projekata pomoći statističkom sistemu Bosne i Hercegovine;
- odlazak iskusnih statističara u penziju tokom prethodne godine, kao i problem deficitarnih kadrova. Naročito kad se radi o jedinom uposleniku za određenu oblast;
- aktivnosti na pripremama za provođenje Popisa poljoprivrede, Popisa stanovništva i drugih anketnih istraživanja

Popunjenost radnih mjesta od 61 % u odnosu na broj sistematiziranih radnih mjesta ukazuje na neophodnost povećanja broja uposlenih u Zavodu, u što je moguće kraćem roku. Potrebno je istaći da je trenutni broj zaposlenih nedovoljan, pogotovo ako se uzme u obzir dužina radnog staža određenih zaposlenika, te je potrebno dalje zapošljavanje u Zavodu u toku 2025. godine.

10.3. Problemi sa korištenjem administrativnih izvora podataka

Administrativni izvori sa kojima bi trebalo unaprijediti saradnju kako bi Federalni zavod za statistiku imao pristup svim neophodnim podacima za provođenje statističkih istraživanja, a posebno u društvenim statistikama, ekonomskim statistikama i registrima su: Federalna i kantonalne agencije za privatizaciju, Federalno i kantonalna ministarstva pravde, Federalno i kantonalna ministarstva zdravstva, Registar

vrijednosnih papira Federacije BiH, Komisija za vrijednosne papire Federacije BiH, Ministarstvo razvoja, poduzetništva i obrta Federacije BiH, Advokatska komora Federacije BiH, Notarska komora Federacije BiH, Ministarstvo vanjske trgovine i ekonomskih odnosa BiH, Federalna uprava za geodetske i imovinsko pravne poslove, Porezna uprava Federacije BiH, Federalno ministarstvo obrazovanja i kantonalna ministarstva obrazovanja, Pedagoški zavodi u Federaciji BiH (kantonalni), Javni i privatni univerziteti u Federaciji BiH, Matični/mjesni uredi, Federalni MUP, Zavod za javno zdravstvo Federacije BiH, Općinski sudovi u Federaciji BiH, Visoko sudsko i tužilačko vijeće BiH, Federalno ministarstvo i kantonalna ministarstva rada i socijalne politike, Federalno ministarstvo raseljenih osoba i izbjeglica, Federalno ministarstvo finansija, Federalno ministarstvo za pitanja boraca i invalida odbrambeno oslobodilačkog rata, Federalni zavod za penziono i invalidsko osiguranje, Federalni zavod za zapošljavanje, Zavod zdravstvenog osiguranja i reosiguranja Federacije BiH, Ministarstvo sigurnosti BiH i Agencija za identifikacione/identifikacijske dokumente/isprave, evidenciju i razmjenu podataka Bosne i Hercegovine (IDDEEA).



10.5. Finansiranje

Ekonomski kod	Vrsta rashoda i izdataka	Budžet za 2024. godinu (KM)	Izvršenje budžeta za 2024. godinu (KM)	Indeks (Izvrš./Budžet)
611000	Plaće i naknade troškova zaposlenih	6,661,894	6,159,630	92,5%
611100	Bruto plaće i naknade plaća	5,861,894	5,335,018	91,0%
611200	Naknade troš. zaposlenih	800,000	824,612	103,1%
612000	Doprinosi poslodavca i ost. doprinosi	666,111	590,018	88,6%
612100	Doprinosi poslodavca	626,111	565,300	90,3%
612200	Ostali doprinosi	40,000	24,718	61,8%
613000	Izdaci za materijal, sitan inventar i usluge	9,015,997	1,549,871	17,2%
613100	Putni troškovi	60,000	62,543	104,2%
613100	Putni troškovi - ARS anketa	3,000	2,989	99,6%
613100	Putni troškovi – Popis stanovništva, domaćinstva i stanova u BiH 2021	10,000	9,752	97,5%
613100	Putni troškovi – Popis poljoprivrede	45.000	45.000	100,0%
613200	Izdaci za energiju	110,000	82,900	75,4%
613300	Izdaci za komunikaciju i komunalne usluge	150,000	135,018	90,0%
613300	Izdaci za komunikaciju i komunalne usluge- Popis poljoprivrede	20.000	0	0,0%
613300	Izdaci za komunikaciju i komunalne usluge – Upotreba informaciono-komunikacionih tehnologija u domaćinstvima	2.000	0	0,0%
613300	Izdaci za komunikaciju i komunalne usluge- Istraživanje potražne strane turizma	3.000	0	0,0%
613400	Nabavka materijala i sitnog materijala	115.000	103.250	89,8%
613400	Nabavka materijala i sitnog materijala- Popis poljoprivrede	25.167	0	0,0%
613500	Izdaci za usl. prevoza i goriva	27.000	10.811	40,0%
613500	Izdaci za usl. prevoza i goriva- Popis poljoprivrede	10.000	0	0,0%
613600	Unajmljivanje imovine, opreme i nematerijalne imovine	40.000	32.618	81,5%
613600	Unajmljivanje imovine, opreme i nematerijalne imovine- Popis poljoprivrede	147.950	0	0,0%
613600	Unajmljivanje imovine, opreme i nematerijalne imovine- Anketa o prihodima i životnom standard u BiH (SILC)	6.000	0	0,0%
613700	Izdaci za tekuće održavanje	160.000	92.522	57,8%
613800	Izdaci za osiguranja, bankarskih usluga i usluga plat. prometa	25.000	16.995	68,0%
613800	Izdaci za osiguranja, bankarskih usluga i usluga plat. prometa- Popis poljoprivrede	10.000	0	0,0
613900	Ugovorene i druge posebne usluge	180.000	192.416	106,9%
613900	Ugovorene i dr. posebne usluge - ARS anketa	180.000	178.913	99,4%
613900	Ugovorene i dr. posebne usluge - Popis stanovništva, stanova i domaćinstava u BiH 2021.	50.000	0	0,0%
613900	Ugovorene i dr. posebne usluge - Popis poljoprivrede	7.149.680	238.120	3,3%
613900	Ugovorene i dr. posebne usluge-Upotreba	19.000	18.990	99,9%

	informaciono-komunikacionih tehnologija u domaćinstvima			
613900	Ugovorene i druge posebne usluge- Istraživanje potražne strane turizma	27.000	23.172	85,8%
613900	Ugovorene i dr. posebne usluge – Uvođenje sistema upravljanja kvalitetom (ISO/TQM/6SIGMA)	10.000		0,0%
613900	Ugovorene i dr. posebne usluge – Anketa o prihodima i životnom standard u BiH (SILK)	150.000	146.869	97,9%
613900	Ugovorene i druge posebne usluge – Ažuriranje okvira uzorka na bazi domaćinstva	100.000	33.250	33,2%
613900	Ugovorene i druge posebne usluge – Izdaci za izvršenje sudskih presuda i rješenja o izvršenju –Vansudska nagodba	5.000		0,0%
613900	Ugovorene i druge posebne usluge – Izdaci za izvršenje sudskih presuda i rješenja o izvršenju	76.200	72.345	94,9%
613900	Ugovorene i druge posebne usluge – Organizovanje međunarodne konferencije o zvaničnoj statistici	50.000	28.968	57,9%
613900	Ugovorene i druge posebne usluge-Anketa o potrošnji energenata u domaćinstvima (APED)	50.000	22.430	44,9%
614000	Tekući transferi i drugi tekući rashodi	90.000	63.577	70,6%
614800	Drugi tekući rashodi-Izdaci za izvršenje sudskih presuda i rješenja o izvršenju	60.000	63.577	106,0%
614800	Drugi tekući rashodi-Izdaci za izvršenje sudskih presuda i rješenja o izvršenju-Vansudska nagodba	30.000	0	0,0%
821000	Izdaci za nabavku stalnih sredstava	1.968.635	668.962	34,0%
821300	Nabavka opreme	573.100	531.637	92,8%
821300	Nabavka opreme - Popis poljoprivrede	310.800	0	0,0%
821300	Nabavka opreme – Digitalizacija statističke arhivske građe	75.000	0	0,0%
821500	Nabavka stalnih sredstava u obliku prava	892.735	137.325	15,4%
821500	Nabavka stalnih sredstava u obliku prava - Popis poljoprivrede	92.000	0	0,0%
821500	Nabavka stalnih sredstava u obliku prava - Digitalizacija statističke arhivske građe	25.000	0	0,0%
	UKUPNO	18.402.637	9.032.058	49,1%

U 2024. godini iskazani su ukupni rashodi i izdaci u iznosu od 9.032.058 KM ili 49,1% odobrenih sredstava.

U odnosu na 2023. godinu utrošeno je više sredstava za 5,3%. U izvještajnom periodu u Zavodu je bilo zaposleno prosječno 159 uposlenika. Prosječna neto plata iznosila je 1.772 KM (bez poreza na dohodak), dok je bruto plaća iznosila 2.796 KM. Na pozicijama gdje je indeks izvršenja veći od 100% sredstva su obezbjeđena preraspodjelama budžeta.

PRILOZI:

Prilog 1. – Pregled planiranih i izvršenih aktivnosti i istraživanja po oblastima

Prilog 2. – Spisak planiranih istraživanja i aktivnosti koja su djelimično ili nisu provedena

Prilog 3. – Spisak publikacija

Prilog 4. – Zaposleni radnici prema polu i stepenu obrazovanja

Prilog 5. – Budžet

Prilog 6. – Poslovni prostor

Prilog 7. – Spisak seminara i obuka

Prilog 1. – Pregled planiranih i izvršenih aktivnosti i istraživanja po oblastima u 2024. godini

STATISTIČKE OBLASTI		PLANIRANA STATISTIČKA ISTRAŽIVANJA I AKTIVNOSTI		REALIZOVANA STATISTIČKA ISTRAŽIVANJA I AKTIVNOSTI		PROCENTUALNO IZVRŠENJE			DJELMIČNO IZVRŠENO
		BROJ AKTIVNOSTI	BROJ ISTRAŽIVANJA	BROJ AKTIVNOSTI	BROJ ISTRAŽIVANJA	AKTIVNOSTI (%)	ISTRAŽIVANJA (%)	UKUPNO (%)	
Šifra	UKUPNO	26	163	24	157	92,3	96,3	95,8	5
1.	Demografske i socijalne statistike	6	52	5	52	83,3	100	98,3	1
1.1	Stanovništvo	3	7	2	7	66,7	100	90	1
1.2	Rad i troškovi rada	0	5	0	5	-	100	100	
1.3	Obrazovanje i stručna obuka	0	8	0	8	-	100	100	
1.4	Zdravstvo	1	0	1	0	100	-	100	
1.5	Prihodi i potrošnja	0	1	0	1	-	100	100	
1.6	Socijalna zaštita	0	9	0	9	-	100	100	
1.7	Pravosuđe i kriminalitet	1	5	1	5	100	100	100	
1.8	Kultura	0	17	0	17	-	100	100	
1.9	Gender statistika	1	0	1	0	100	-	100	
2.	Ekonomске statistike	12	31	12	31	100	100	100	
2.1	Makroekonomske statistike	7	8	7	8	100	100	100	
2.3	Poslovne statistike	3	17	3	17	100	100	100	
2.4	Međunarodna trgovina i platni bilans	2	2	2	2	100	100	100	
2.5	Cijene	0	4	0	4	-	100	100	
3.	Sektorske statistike	2	72	1	67	50	93,1	91,9	3
3.1	Poljoprivreda, šumarstvo i ribarstvo	2	27	1	24	50	88,9	86,2	1
3.2	Energija	0	18	0	17	-	94,5	94,5	1
3.3	Transport	0	15	0	15	-	100	100	
3.4	Turizam	0	2	0	1	-	50	50	1
3.5	Nauka, tehnologija i inovacije	0	10	0	10	-	100	100	
4.	Okoliš i višepodručne statistike	2	7	2	7	100	100	100	
4.1	Okoliš	0	7	0	7	-	100	100	
4.2	Regionalne i geoprostorne statističke informacije	2	0	2	0	100	-	100	
5.	Metodologija prikupljanja, obrade, analize i diseminacije podataka	4	1	4	0	100	0	80	1
5.1	Metapodaci	3	1	3	0	100	-	75	1
5.2	Statistička povjerljivost i zaštita od razotkrivanja podataka	1	0	1	0	100	-	100	

Prilog 2. – Spisak planiranih aktivnosti koje su djelimično ili nisu realizovane u 2024. godini

- **Anketa o potrošnji energenata u domaćinstvima (APED)** je realizovana **80%**. Provođenje ankete izvršeno je putem CATI metode (Computer Assisted Telephone Interviewing). Odrađen je unos podataka i obzirom da se logička i računarska kontrola i korekcije grešaka rade sa kolegama iz Agencije za statistiku BiH iste još nisu urađene.
- **Anketa o privatnim i poslovnim putovnjima (APPP)** realizovana je **80%**: izvršeno je prikupljanje podataka na terenu za čitavu 2023. godinu, unos podataka, logička i računarska kontrola i korekcija logičkih grešaka za referentnu 2023. godinu. Baza je dostavljena Agenciji za statistiku BiH u propisanom sadržaju i formatu. Analiza prikupljenih podataka, imputacija nedostajućih podataka, kao i dalja obrada istih izvršit će se u skladu i koordinaciji sve tri statističke institucije u BiH, a na osnovu prethodno zacrtanih i dogovorenih koraka definiranih planom i programom predmetnog istraživanja.
- **Popis poljoprivrede** realizovan je **20%** – U sklopu planiranih aktivnosti na popisu poljoprivrede donesen je i usvojen „Akcioni plan za pripremu provođenje i diseminaciju rezultata Popisa poljoprivrede u BiH 2023. – 2026“. Isti je ažuriran, a sve u skladu sa zaključkom Vijeća ministara BiH donesenog na 56. sjednici održanoj 18.07.2024. godine, a u vezi sa odlaganjem Popisa poljoprivrede u BiH za 2025. godinu. Izvršene su pripremne radnje na izradi metodologije i urađena njena radna verzija. Vršene su aktivnosti na izradi i usaglašavanju upitnika, kao i logičkih kontrola na upitniku.
- Ankete poljoprivrednih domaćinstava: **Godišnje istraživanje farmi-biljna proizvodnja (GIF-2024-B), Godišnje istraživanje farmi-stočna proizvodnja (GIF-2024-S) i Istraživanje o zasijanim površinama u proljetnoj sjetvi i procjena prinosa ranih usjeva** - nisu realizovane jer u budžetu za 2024. godinu nisu odobrena sredstva za realizaciju istih.
- **Pripremiti provođenje Popisa stanovništva, domaćinstava i stanova** je djelimično realizovano 5% – Izvršene su određene aktivnosti na pripremi Mape puta za pripremu Popisa stanovništva u Bosni i Hercegovini. Ostatak nije izvršen zbog nepostojanja usaglašenih stavova vezano za izbacivanje alineje j Člana 8 Zakona o statistici BiH (“Službeni glasnik BiH” br. 26/04 i 42/04), gdje važeći zakon predviđa da Agencija koordinira planiranje, vođenje i objavljivanje rezultata popisa stanovništva i domaćinstava Bosne i Hercegovine, u skladu sa Opštim okvirnim sporazumom za mir u Bosni i Hercegovini uključujući i Aneксе 7. i 10. Sporazuma, kada to državni organi smatraju neophodnim. Navedena odredba nije uvrštena u nacrt radnog materijala novog Zakona o zvaničnoj statistici BiH.
- **Izbor okvira uzorka za provođenje anketnih istraživanja na bazi domaćinstava** – djelimično realizovano 15%. Izvršena je analiza popisnih krugova na aktivnostima izbora uzorka iz prethodnih godina, a ostatak nije izvršen iz razloga što nije bilo koordinirajućih aktivnosti od strane Agencije za

statistiku BiH, a sukladno Zakonu o statistici Bosne i Hercegovine ("Službeni glasnik BiH" br. 26/04 i 42/04).

Prilog 3. – Spisak publikacija objavljenih u 2024. godini

RB	PUBLIKACIJE KOJE SE OBJAVLJUJU	TIRAŽ	FORMAT
1.	Migracije stanovništva, 2023	25	A4
2.	Biljna proizvodnja u FBiH, 2023	25	A4
3.	Kultura i umjetnost u FBiH u 2023	25	A4
4.	Visoko obrazovanje u FBiH u 2023/24	25	A4
5.	Socijalna zaštita u FBiH u 2023	25	A4
6.	Demografska statistika 2023	25	A4
7.	Osnovno obrazovanje u FBiH, 2023/24	25	A4
8.	Zaposlenost, nezaposlenost i plaće u FBiH u 2023	25	A4
9.	Predškolsko obrazovanje u 2023/24. godini	25	A4
10.	Statistika pravosuđa u FBiH, 2023	25	A4
11.	Šumarstvo u FBiH u 2023	25	A4
12.	Srednje obrazovanje u FBiH 2023/24	25	A4
13.	Građevinarstvo u FBiH, 2023	25	A4
14.	Industrijska proizvodnja FBiH u 2023	25	A4
15.	Investicije u stalna sredstva u FBiH u 2023	25	A4
16.	Bruto domaći proizvod u FBiH za 2023. godinu	25	A4
17.	Mjesečni statistički pregled FBiH (12 naslova)	300	A4
18.	Mjesečni statistički pregled FBiH po kantonima (12 naslova x 25 kom)	300	A4
19.	Statistički godišnjak/ljetopis 2024	100	B5
20.	Federacija BiH u brojkama	25	A5
21.	Kantoni u brojkama (10 naslova x 25 kom)	250	A5
22.	Robni promet Federacije BiH sa inozemstvom, 2023	25	A4
23.	Cijene, 2023	25	A4
24.	Žene i muškarci	25	A4
25.	Indikatori održivog razvoja Federacije BiH	75	A4

Tromjesečna saopštenja u 2024. godini

RB	OBLAST ISTRAŽIVANJA	NAZIV SAOPŠTENJA
1.	Građevinarstvo	Indeksi proizvodnje u građevinarstvu
		Cijene prodatih novih stanova
		Građevinski radovi u inozemstvu
		Indeksi proizvođačkih cijena u građevinarstvu/stanogradnja
2.	Poljoprivreda	Prodaja i otkup poljoprivrednih proizvoda
3.	Bruto domaći proizvod	Bruto domaći proizvod
4.	Trgovina i ostale usluge	Distributivna trgovina
		Promet u ostalim uslužnim djelatnostima
		Promet u prijevoznim i skladišnim djelatnostima
		Promet u ugostiteljstvu
5.	Prijevoz, skladištenje i komunikacije	Cestovni prijevoz robe i putnika
		Promet na aerodromima/u zračnim lukama
		Telekomunikacijske usluge
		Poštanske i kurirske usluge
		Zračni prijevoz
		Prijevoz putnika i robe željeznicom
6.	Vanjska trgovina	Indeksi jediničnih vrijednosti uvoza i izvoza
7.	Anketa o radnoj snazi	Anketa o radnoj snazi

Polugodišnja saopštenja u 2024. godini

RB	OBLAST ISTRAŽIVANJA	NAZIV SAOPŠTENJA
1.	Statistički poslovni registar	Registrirani poslovni subjekti

Godišnja saopštenja u 2024. godini

RB	OBLAST ISTRAŽIVANJA	NAZIV SAOPŠTENJA
1.	Trgovina i ostale usluge	Promet u ostalim uslužnim djelatnostima Godišnji podaci o prometu u distributivnoj trgovini Godišnji podaci o prometu u trgovini na malo
2.	Prijevoz, skladištenje i komunikacije	Cestovni prijevoz robe Telekomunikacijske usluge Poštanske, kurirske usluge Upotreba IKT u poslovnim subjektima Upotreba IKT u domaćinstvima i pojedinačno Godišnji izvještaj o cestama, mostovima i tunelima Zračni prijevoz Željeznički, cestovni, gradsko-prigradski prijevoz robe i putnika Registrirana cestovna motorna i priključna vozila Prometne nesreće na cestama Promet na aerodromima /u zračnim lukama
3.	Bruto domaći proizvod	Bruto domaći proizvod – proizvodni pristup – prvi rezultati Bruto domaći proizvod – proizvodni pristup – konačni rezultati Bruto domaći proizvod – dohodovni pristup – prvi rezultati Bruto domaći proizvod – dohodovni pristup – konačni rezultati
4.	Investicije	Investicije – prvi rezultati Investicije – konačni rezultati
5.	Obrazovanje	Predškolsko obrazovanje-prvi rezultati Financijska statistika u obrazovanju - prvi rezultati Financijska statistika u obrazovanju – konačni rezultati Osnovno obrazovanje Visoko obrazovanje Srednje obrazovanje
6.	Poljoprivreda	Prikupljanje kravljeg mlijeka i proizvodnja mliječnih proizvoda – prvi rezultati Prikupljanje kravljeg mlijeka i proizvodnja mliječnih proizvoda – konačni rezultati Indeksi fizičkog obima poljoprivredne proizvodnje Struktura inkubatorskih stanica Zasijane površine u jesenjoj sjetvi Zasijane površine na kraju proljetne sjetve – prvi rezultati Ostvareni prinosi kasnih usjeva, voća i grožđa – prvi rezultati Ostvareni prinosi kasnih usjeva, voća i grožđa - konačni rezultati Zasijane površine na kraju proljetne sjetve – konačni rezultati Brojno stanje stoke i stočna proizvodnja Zasijane površine u jesenjoj i proljetnoj sjetvi – prvi rezultati Zasijane površine u jesenjoj i proljetnoj sjetvi – konačni rezultati Ostvareni prinosi ranih usjeva i voća – konačni rezultati Ostvareni prinosi ranih usjeva i voća – prvi rezultati Godišnje istraživanje farmi-prvi rezultati Godišnje istraživanje farmi-konačni rezultati Vodeni uzgoj Ostvareni prinosi južnog voća i maslina
7.	Stanovništvo	Procjena ukupnog broja stanovnika po spolnoj i starosnoj strukturi Stanovništvo FBiH prema tipu naseljenog mjesta 2015-2023 Skrraćene aproksimativne tablice mortaliteta Zaposlenost u pravnim osobama prema strukturama

8.	Zaposlenost, nezaposlenost i plaće	zaposlenih, stanje mart 2024.
		Zaposlenost, nezaposlenost i plaće po kantonima i općinama za 2023. godinu
		Anketa o radnoj snazi za 2023. godinu
		Istraživanje o strukturi zarada za 2022. godinu (konačni rezultati)
9.	Kultura i umjetnost	Kultura i umjetnost
10.	Turizam	Statistika smještaja u turizmu
11.	Socijalna zaštita	Socijalna zaštita
		Integrirani sistem socijalne zaštite (ESPROSS)
12.	Pravosuđe	Pravosuđe
13.	Okoliš	Korišćenje voda i zaštita voda od zagađivanja u industriji
		Skupljanje, prečišćavanje i distribucija vode
		Otpad iz proizvodnih djelatnosti
		Prečišćavanje i ispuštanje otpadnih voda
		Komunalni otpad
14.	Energetika	Bilans toplotne i električne energije
		Bilans naftnih derivata
		Bilans ugljena
		Bilans prirodnog plina
15.	Strukturne poslovne statistike	Strukturne poslovne statistike-preliminarni rezultati-varijable i indikatori za preduzeća
		Strukturne poslovne statistike-konačni rezultati-varijable i indikatori za preduzeća
16.	GIS i registar prostornih jedinica	Šifarnik jedinica lokalne samouprave (JLS) i naseljenih mjesta u Federaciji Bosne i Hercegovine
		Promjene kod jedinica lokalne samouprave (JLS) i naseljenih mjesta u Federaciji Bosne i Hercegovine
17.	Istraživanje i razvoj	Istraživanje i razvoj
		Budžetska izdvajanja za istraživanje i razvoj
18.	Zdravstvo i zaštita	Nacionalni zdravstveni računi u FBiH
19.	Građevinarstvo	Indeksi proizvođačkih cijena u građevinarstvu/niskogradnja
20.	Industrija	Proizvodnja i prodaja industrijskih proizvoda prema NIP (prodcom) – prvi rezultati
		Proizvodnja i prodaja industrijskih proizvoda prema NIP (prodcom) – konačni rezultati

Broj saopštenja po oblasti istraživanja i tipu u 2024. godini

RB	OBLAST ISTRAŽIVANJA	TIP SAOPŠTENJA				Ukupno saopštenja po oblastima
		Mjesečno	Tromjesečno	Godišnje	Polugodišnje	
1.	Građevinarstvo	1	4	1	-	29
2.	Šumarstvo	1	-	-	-	12
3.	Trgovina i ostale usluge	1	4	3	-	31
4.	Turizam	1	-	1	-	13
5.	Prijevoz, skladištenje i komunikacije	-	8	13	-	45
6.	Cijene	2	-	-	-	24
7.	Zaposlenost, nezaposlenost i plaće	2	1	4	-	32
8.	Industrija	2	-	2	-	26
9.	Bruto domaći proizvod	-	1	4	-	8
10.	Investicije	-	-	2	-	2
11.	Obrazovanje	-	-	5	-	5
12.	Poljoprivreda i ribolov	4	1	11	-	63
13.	Stanovništvo	1	-	3	-	15
14.	Kultura i umjetnost	-	-	1	-	1
15.	Vanjska trgovina	1	1	-	-	16
16.	Socijalna zaštita	-	-	2	-	2
17.	Pravosuđe i izbori	-	-	2	-	2
18.	Okoliš	-	-	5	-	5
19.	Energetika	1	-	4	-	16
20.	Strukturne poslovne statistike	-	-	2	-	2
21.	Istraživanje i razvoj	-	-	3	-	3
22.	Poslovni registar	-	-	-	2	2
23.	GIS i registar prostornih jedinica	-	-	2	-	2
24.	Nacionalni zdravstveni računi	-	-	1	-	1
UKUPNO SAOPŠTENJA U 2024. GODINI:		204	80	71	2	357

Prilog 4. – Zaposleni prema polu i stepenu obrazovanja

Školska sprema	Broj zaposlenika				
	Po sistematizaciji	Popunjeno (31.12.2024.)			Nije popunjeno
		Ukupno	Muškarci	Žene	
VSS - Državni službenici i savjetnici direktora	194	119	41	78	75
VSS i SSS - Namještenici	65	40	11	29	25
UKUPNO	259	159	52	107	100

Prilog 5. – Budžet Federalnog zavoda za statistiku

Godina	U KM	Učešće u budžetu Federacije BiH (%)
2021.	7.360.120	0,13
2022.	8.951.956	0,13
2023.	9.253.694	0,16
2024.	18.402.637	0,24

Prilog 6. – Poslovni prostor

	Broj kancelarija	Površina u m ²	Broj zaposlenika
	Stanje	Stanje	
Centrala Sarajevo	40	890	102
Kantonalna služba Bihać	2	100	5
Kantonalna služba Orašje	1	40	4
Kantonalna služba Tuzla	10	150	8
Kantonalna služba Zenica	4	92	7
Kantonalna služba Goražde	2	35	2
Kantonalna služba Travnik	4	78	6
Kantonalna služba Mostar	7	150	8
Kantonalna služba Široki Brijeg	3	55	5
Kantonalna služba Sarajevo	4	73,22	7
Kantonalna služba Livno	3	83	5

Prilog 7. – Spisak seminara i obuka u 2024. godini

r/b	Naziv seminara ili sastanaka	Broj učesnika	Projekat	Broj dana
1.	STS Misija za Ostale uslužne djelatnosti.	2	GOPA	4
2.	Component 1 – Business Statistic, Aktivnost 1.2A: Razvijanje varijable za područje K	1	EU Twinning IPA 2019	3
3.	HANDS-ON PPF obuka o prognozi i projekcijama stanovništva i vizualizaciji podataka	1	UNFPA	13
4.	Sub component 1.3.1_ Wholesale trade deflators and service producer price indices (Deflatori trgovine na veliko i indeksi cijena usluga)	1	EU Twinning IPA 2019	3
5.	1.3.2. Građevinarstvo –CREI – Indikatori komercijalnih nekretnina	3	EU Twinning IPA 2019	1
6.	STS-Industrija – Poređenje mjesečnih PDV podataka	3	EU 4 Admin	5
7.	1.3.2. Građevinarstvo –CREI – Indikatori komercijalnih nekretnina	3	EU Twinning IPA 2019	4
8.	STS-Industrija – Poređenje mjesečnih PDV podataka	3	EU 4 Admin	3
9.	Obuka korištenja programa R	3	Saradnja sa statistikom Rumunije	2

10.	STS - Improvement of compliance with the European business statistics regulation (Poboljšanje usklađenosti s Europskom regulativom poslovnih statistika)	1	IPA 2022 MPB	3
11.	Subcomponent 1.2 – Structural Business Statistics-Implementacija statističke jedinice “Preduzeće”	1	EU Twinning IPA 2019	3
12.	Obuka Cochran Fellowship program.	2	U.S. Department of Agriculture USDA	15
13.	Sastanak tehničke radne grupe - Komponenta 3 Energetska efikasnost	3	GIZ - Akcija zajednice za energetska tranziciju u BiH	1
14.	55.Sastanak statističke komisije UN-a	3	UNDS	3
15.	Revidiranje statističkih obrazaca za arhive i kinoteke	2	UNESCO Unapređenje statistike kulture	1
16.	Revidiranje statističkih obrazaca za orkestre, festivale, radio i tv stanice	2	UNESCO Unapređenje statistike kulture	2
17.	Revidiranje statističkih obrazaca za KUD-ove, Zavode za zaštitu baštine	2	UNESCO Unapređenje statistike kulture	1
18.	Rinaliziranje obrazaca za Radio i TV stanice, Pozorišta i Festivale	2	UNESCO Unapređenje statistike kulture	2
19.	Finaliziranje obrazaca za KUD, Orkestre, Zavode za zaštitu kulturnog i prirodnog naslijeđa i izdavaštvo	2	UNESCO Unapređenje statistike kulture	3
20.	Projekat za povećanje korištenje administrativnih izvora podataka za proizvodnju zvanične statistike	3	EU 4 Admin	1
21.	Projekat za povećanje korištenje administrativnih izvora podataka za proizvodnju zvanične statistike	5	EU 4 Admin	1
22.	Crime Statistic (statistika kriminala) - prva misija	2	EU 4 Admin	3
23.	Ad-Hock sastanak VSTV	1	EU 4 Admin	2
24.	Sastanak upravnog odbora	1	EU 4 Admin	1
25.	Internal workshop (interna radionica)	1	EU 4 Admin	1
26.	Unapređenje statistiku obrazovanja odraslih I ISCED 4	1	UNESCO	1
27.	Unapređenje statistiku obrazovanja odraslih I ISCED	1	UNESCO	2
28.	Unapređenje statistiku obrazovanja odraslih I ISCED	1	UNESCO	2
29.	Redovni godišnji sastanak ESSPROS (social protection)	1	ESSPROS	4
30.	Unapređenje statistiku obrazovanja odraslih I ISCED	1	UNESCO	1
31.	Unapređenje statistiku obrazovanja odraslih I ISCED	1	UNESCO	2
32.	Workshop “Human capital development – building evidence on skills and employment” (Radionica “Razvoj ljudskog kapitala – izgradnja dokaza o vještinama i zapošljavanju”)	1	European Training Foundation (ETF)	2
33.	Unapređenje statistiku obrazovanja odraslih I ISCED	1	UNESCO	2
34.	Unapređenje statistiku obrazovanja odraslih I ISCED	1	UNESCO	2
35.	Unapređenje statistiku obrazovanja odraslih I ISCED	1	UNESCO	2
36.	Unapređenje statistiku obrazovanja odraslih I ISCED	1	UNESCO	2
37.	Prva misija SP 5.5 Environmental accounts/Računi okoliša	3	IPA MBP 2022	2
38.	Druga misija SP 5.5 Environmental accounts/Računi okoliša	2	IPA MBP 2022	2
39.	1st mission on DEVELOPMENT AND PRODUCTION OF ENVIRONMENTAL STATISTICS AND ACCOUNTS IN BIH (1. Misija o razvoju i izradi statistike okoliša i računa u BiH)	2	EU 4 Admin	3

40.	2nd mission on DEVELOPMENT AND PRODUCTION OF ENVIRONMENTAL STATISTICS AND ACCOUNTS IN BIH (2. Misija o razvoju i izradi statistike okoliša i računa u BiH)	3	EU 4 Admin	4
41.	Prva ekspertna misija komponente SP 6.3 Komunikacije	3	IPA MBP 2022	2
42.	Prva radionica IPA MBP 5.6 Statistika otpada	3	IPA MBP 2022	3
43.	Prva radionica IPA MBP 5.7 Statistika voda	3	IPA MBP 2022	3
44.	Prva radionica SP 3.1 Biznis registar	2	IPA MBP 2022	3
45.	14. konferencija "Dani infrastruktura prostornih podataka	1	Konferencija	3
46.	4.1 Labour market statistics (Statistika tržišta rada) - Prva ekspertna misija	2	EU 4 Admin	5
47.	Treći (III) međunarodni kongres javnog sektora "Vrijeme je..."	2	Revicon	3
48.	Dani Infrastrukture prostornih podataka Federacije Bosne i Hercegovine	1	Konferencija	2
49.	4.1 Labour Force Survey (Anketa o radnoj snazi)	3	IPA MPB 2019	3
50.	4.1 Labour Force Survey (Anketa o radnoj snazi)	2	IPA MPB 2019	3
51.	SP 1.3 National Accounts Methodology/Metodologija Nacionalnih računa	4	IPA MPB 2022	3
52.	Indeksi o troškovima rada__Prva ekspertna misija.	2	IPA MPB 2022	3
53.	Razvoj CPI/HICP za nivo BiH	2	IPA MPB 2022	1
54.	Podrška izvještavanju o javnom dugu u BiH	3	EU PFM	2
55.	Napredno upravljanje e-mailovima	4	ADS FBIH	1
56.	Excel i Google forma:Partnerstvo za unapređenje učinkovitosti Excel za napredne korisnike: srednji nivo poznavanja	3	ADS FBIH	3
57.	Komunikacija sa strankama	2	ADS FBIH	2
58.	Statistička i analitička obrada podataka	4	ADS FBIH	1
59.	Novi dodatni termin za Google Excel i Google forma: Partnerstvo za unapređenje učinkovitosti	2	ADS FBIH	1
60.	Medijacija u državnoj službi Klasifikacija i opis poslova u državnoj službi u Federaciji BiH	1	ADS FBIH	2
61.	Navigacija kroz informacijski labirint: Razvoj vještina medijske i informacijske pismenosti (MIP)	2	ADS FBIH	1
62.	Excel i Google forma:Partnerstvo za unapređenje učinkovitosti	4	ADS FBIH	1
63.	Online konsultativni sastanak-Primjena Pravilnika o ocjenjivanju državnih službenika za organe državne službe u HNK,SBK,ZDK i federalne organe	1	ADS FBIH	1
64.	Upravljanje informacionim i bezbjednosnim rizicima	3	ADS FBIH	1
65.	On line kolaborativni alati	2	ADS FBIH	1

Broj : 01-04-1-401/25
Datum: 19.03.2025.



Po ovlaštenju
Vlade Federacije Bosne i Hercegovine
Pomoćnik direktora

Šemso Šurković, dipl.ing. elektrotehnike

Na osnovu člana 19. stav (4) Zakona o Vladi Federacije Bosne i Hercegovine („Službene novine Federacije BiH“, br. 1/94, 8/95, 58/02, 19/03, 2/06 i 8/06), Vlada Federacije Bosne i Hercegovine, na 189. hitnoj sjednici, održanoj 28.03.2025. godine, donosi

ZAKLJUČAK
O USVAJANJU IZVJEŠTAJA O IZVRŠENJU PLANA STATISTIČKIH ISTRAŽIVANJA
OD INTERESA ZA FEDERACIJU BIH ZA 2024. GODINU

1. Usvaja se Izvještaj o izvršenju Plana statističkih istraživanja od interesa za Federaciju BiH za 2024. godinu.
2. Ovaj zaključak stupa na snagu danom donošenja.

V. broj: 535/2025
28.03.2025. godine
Sarajevo



